

INCT



INSTITUTO NACIONAL DE CIÊNCIAS E TECNOLOGIA

BULETIN

VOL 03, 2023



**INCT ORGANIZA SEMINÁRIU SIENTÍFIKU BA
SELEBRASAUN LORON MUNDIAL SIÉNSIA BA
PAZ NO BA DEZENVOLVIMENTU**



www.inct.gov.tl



inct.secretariado@gmail.com



Instituto Nacional de Ciências e Tecnologia

REDASAUN

Responsável Jeral:

Dr. José Cornélio Guterres, Prezidente Konsellu Exekutivu INCT

Responsável Jestaun Sistema Informasaun:

Dr. Augusto da Conceição Lobo Soares, II Vice-Prezidente Konsellu Exekutivu INCT

Responsável Redasaun:

Dra. Maria Elsa Diogo Correia, Sekretaria Exekutiva INCT

Editor & Editor Textu:

Dra. Maria Elsa Diogo Correia, Hipólito da Silva Baptista,
Agostinho Alves no Dr. Filipe Couto

Fotógrafu:

Hipólito da Silva Baptista

Grafismu & Layout:

Hipólito da Silva Baptista



Instituto Nasional Siênsia no Teknolojia (INCT)

Avenida Balide, Dili, Timor-Leste

Fan Page Facebook : Instituto Nacional Ciências e Tecnologia – INCT

Email : inct.secretariado@gmail.com

Website INCT : <https://inct.gov.tl>

KONTEUDU

1. Lia Menon husi Ministro MESCC
2. Lia Menon husi Prezidente Konsellu Ezekutivu INCT
5. INCT realiza sorumutu virtual estudo viabilidade repozitóriu dijital : Paj. 3
6. CRA law firm halo apresentasaun kona-ba revizaun estatutu no depózu legal INCT nian: Paj. 4
7. I Vise-Prezidente Konsellu Ezekutivu INCT partisipa iha lansamentu website ba KNTLU: Paj. 5
9. INCT realiza workshop kona-ba *Science, Technology and Innovation (STI) Policy*: Paj. 7
13. Apresentasaun Esbosu Planu Estratéjiku INCT: Paj. 11
15. Presidente Konsellu Ezekutivu INCT, representa Ministru Ensinu Superior, Siénsia no Kultura partisipa iha seremonia abertura tinan akadémiku 2022 UCT: Paj. 13
18. Apresentasaun Rezultadu Investigasaun INCT Tinan 2021 iha Munisípiu Bobonaro: Paj. 16
23. INCT simu vizita hosi Universidade Warmadewa Bali: Paj. 21
25. Serimónia Assinatura Kontratu ba Atribuisaun Fundu Projeitu ba Investigasaun Sientífika INCT Tinan Fiskal 2022: Paj. 23
29. Apresentasaun Relatório Final Estudo Viabilidade Repozitóriu Dijital Nasionál no Programa *Science Technology Innovation (STI)*: Paj. 27
38. INCT halo monitorizaun ba Investigasaun Sientífika iha suku Daisua, Munisípiu Manufahi: Paj. 36
47. INCT realiza Semináriu Preliminár Peskiza Sientífika 2022: Paj. 45
55. INCT realiza Reuniaun Konsellu Jerál Dahitu: Paj. 53
65. INCT organiza Semináriu Sientífiku ba Selebrasaun Loron Mundial Siénsia ba Paz no ba Dezenvolvimentu: Paj. 63

EDITORIAL

Loron kmanek ba maluk leitor nain ba buletin datoluk Institutu Nasionál Siénsia no Teknolojia (INCT) nian. Ba edisaun datoluk Buletin ne'e sei haktuir informasaun kona-ba atividade Instituisaun nian, ne'ebé mak ekipa redasaun prepara ona.

INCT hanesan Instituisaun públiku autónomu ida ne'ebé haktuir ona iha Dekretu Lei no. 23/2014, 3 Setembru, ne'ebé ho papel atu promove koñesimentu sientífiku no teknolójiku iha Timor-Leste, liu-hosi investigasaun sientífika bázika no aplikada.

Objetivu hosi investigasaun sientífika ne'e rasik hanesan meu ida hodi kria no reforsa dezenvolvimentu siénsia, teknolojia no inovasaun iha Ensinu Superior, promove koñesimentu sientífiku no teknolójiku, hasa'e kapasidade kona-ba siénsia no teknolojia ba ita nia comunidade akadémika sira nomós sai nu'udar referênsia sientífika hodi rekomenda ba ita nia Governu hodi formula política pública sira iha nasaun ida ne'e.

Nune'e Iha edisaun ne'e, redasaun prepara informasaun importante hanesan atribuisaun fundu ba projeitu investigasaun sientífika sanulu resin rua (12), Rezultadu final kriaun estudo viabilidade Repozitóriu Dijital Nasionál no Programa STI, Esbosu Planu Estratéjiku INCT 2030, seminariu sientífiku ba selebrasaun loron mundial siénsia ba paz no ba dezenvolvimentu, monitorizasaun ba investigasaun sientífika no Assinatura Memorandu Entendimentu (MoU) ho *Southeast, Asia Neighborhood Network* (SEANNET), Universidade Wijaya Kusuma Surabaya (UWKS), Dili Institute of Technology (DIT), *Institute of Business* (IOB) iha âmbito peskiza nian. Alein ida ne'e, ekipa INCT halo mos distribuisaun rezultadu investigasaun sientífika tinan 2021 ba iha munisípius sira ne'ebe relevante.

Nudar instituisaun ne'ebe promove koñesimentu sientífiku, INCT sempre servisu hamutuk ho investigador/a sira hosi Ensinu Superior Públiku no Privadu sira, inklui investigador individual iha Timor-Leste nomos nafatin koopera no kolabora ho doutoradu/a sira hodi partilla sira nia koñesimentu no experiênsia hodi estimula investigasaun ida ne'ebé kredível ba ita nia comunidade akadémika no ba populasaun tomak.

Atu termina, informa katak, ekipa redasaun sempre nakloke ba crítica no rekomendasaun hosi parte hotu-hotu, liu-liu hosi maluk leitor nain sira, atu nune'e bele dezenvolve liu tan boletim ida ne'e iha futuro. Hato'o mos agradesimentu wa'in ba maluk lee na'in sira ne'ebé fó ona tempu hodi akompaña buletin INCT nian.



S.E. Longinhos dos Santos M.M

**Ministro do Ensino Superior,
Ciência e Cultura (MESCC)**

LIA MENON HOSI MINISTRU ENSINU SUPERIOR, SIENSIA NO KULTURA (MESSK)

Boletin ne'e hanesan breve deskrisaun ba atividade Institutu Nasionál Siênsia no Teknolojia (INCT) iha tinan fiskál 2022. Importante atu destaka katak Institutu, iha tinan fiskál 2022 ne'e, dezenvolve atividade ho forma atu fó continuidade ba traballu ne'ebé dezenvolve ona iha tinan anterior, maske sei hasoru dezafiu balun.

Konsidera ba prioridade INCT nian, iha tinan ida ne'e, Institutu realiza ninia programa sira bazeia ba Planu Asaun Anual ne'ebé trasa tiha ona. INCT hanesan instituisaun públiku ida ne'ebé ho misaun prinsipal atu halo promosaun ba investigasaun públiku, tantu iha investigasaun bazika no aplikada.

INCT iha nafatin prioridade hodi dezenolve eixu sira ligadu ho peskiza nian hanesan atribui nafatin fundu investigasaun sientífika no desenvolvimentu inovasaun iha área estratéjika sira no kriaun kuadru legál INCT nian no kontinua nafatin estabelese kooperasaun iha nivel ensinu superior sira tantu iha rai laran no mos rai liur (estranjeiru).

Hanesan Ministru Ensino Superior, Siênsia no Kultura (MEESSK) hakarak enkoraja nafatin INCT atu ezejuta planu ne'ebé estabelese ona, buka nafatin atu hadi'a identidade Instituisaun nian iha kontestu nasional no internasional, liu-liu iha area peskiza nian. Ho sentidu ida katak atu eleva ita nia kualidade peskiza iha mundu internasional, sai hanesan referencia ba Instituisaun Ensino Superior sira no bele rekomenda ba Governu hodi formula politika pública sira hodi mellora povu nia moris.

Atu termina, hodi MESSK nia naran, iha futuru, sei reforsa INCT ninia atividade sira iha área investigasaun sientífika, tanba peskiza mak sai xave ba desenvolvimentu iha nasaun ida. Atu hasa'e mos kapasidade nasaun ne'e nian hodi transforma rekursu ba bens produsaun no bens konsumu. Iha transformasaun ne'e mak peskiza, siênsia no teknolojia okupa fatin fulkral.



Longinhos dos Santos M.M

Ministro do Ensino Superior, Ciência e Cultura (MESCC)

LIA MENON HOSI PREZIDENTE KONSELLU EZEKUTIVU INCT



Dr. José Cornélio Guterres

Presidente do Conselho
Executivo do Instituto Nacional
de Ciências e
Tecnologia (INCT)

Uluk nana'in, agradece ba Aman Maromak tanba ho nia kbiit tomak bele fó nafatin forsa mai hodi hala'o ita nia atividade sira hotu ho di'ak. Boletin ida ne'e hanesan Edisaun Daruak ne'ebé lansa hosi Institutu Nasionál Siênsia no Teknolojia (INCT) ho objetivu atu fahe informasaun sira, ligadu ho atividade sira ne'ebé Institutu hala'o ona iha âmbito investigasaun sientífika iha Timor-Leste.

Hanesan ita hotu hatene, misaun prinsipál INCT nian mak atu promove investigasaun sientífika, tantu iha investigasaun bázika no aplikada ne'ebé hatuur ona iha Dekretu Lei nº 31/2023, 14 Juñu, ho objetivu atu estimula koñesimentu sientífika, teknolojiku no inovasaun ba comunidade akadémika no populasaun sira hotu.

Onra boot ida mai ha'u hanesan Prezidente Konsellu Ezekutivu INCT, hamutuk ho I no II Vise Prezidente Konsellu Ezekutivu INCT, nu'udar Orgaun Governativa hodi tau matan ba Instituisaun ida ne'e iha domíniu hodi promove difuzaun no divulga koñesimentu sientífiku no teknolojiku nomós disponibiliza dados ba interesse nasionál ne'ebé sai nu'udar elementu xave hodi garantia dezvoltamentu sustentavel ba país ida ne'e.

Nune'e, iha tinan fiskál 2022, Institutu hala'o ona programa sira hanesan atribuisaun fundu ba projetu investigasaun sientífika sanulu resin rua (12) ba peskizador sira hosi Universidade Públiku no Privada sira iha área sira hanesan Agrikultura, Edukasaun, Ekonomia no Sosiál. Área sira ne'e define tuir Planu Estratejiku Dezenvolvimentu Nasionál (PEDN) 2011-2030. No rezultadu hosi peskiza sira ne'e, INCT distribui ba Autoridade Lokál, liña ministeriál sira, inklui Parlamentu Nasionál (PN) nu'udar rekomendasaun ida hodi formula sira ninia polítika. Nune'e mos, INCT halo mos estudu viabilidade ba repozitriu dijital, halo revizaun estatutu no depozitu legal, partisipa iha workshop kona ba Science Technology and Innovation (STI) Policy, elabora Planu Estratejiku INCT nian, halo kooperasaun ho Instituisaun sira, tantu iha rai laan nomos rai liur.



José Cornélio Guterres
Presidente do Conselho Executivo do Instituto Nacional de Ciências e
Tecnologia (INCT)



INCT REALIZA REUNIAUN ENTRE PESKIZADOR NO MENTOR SIRA

Díli, 9 Janeiro 2022 – Instituto Nasionál Siênsia no Teknolojia (INCT, sigla iha Português), realiza enkontru entre investigador no Mentor bolsa peskiza INCT nian. Enkontru ne'ebé hala'o iha instalasaun INCT, Balide prezide hosi Presidente Konsellu Ezekutivu INCT, Dr. José Cornélio Guterres.

Objetivu hosi enkontru ne'e atu deskute kona-ba Formatu Artigu Sientífiku, no eventual Publikasaun Artigu Sientífiku hosi traballu sira ne'eb'e realiza ona nomós termu submisaun Relatóriu Finansa Datolu nian hosi investigador sira.

Prezidenti iha ninia intervensaun, afirma rezultadu hosi investigasaun tinan fiskal 2021 ne'e di'ak ona, tanba servisu investigador no mentor sira hala'o servisu suplementar ne'eb'e ho objetivu atu hasa'e kualidade investigasaun, maibe, nia mos refere sei hasoru dezafiu balun hanesan kestaun tempu.

Segundu Vise-Prezidente Konsellu Ezekutivu INCT, Dr. Augusto Soares informa mos ba investigador sira

atu submete relatóriu finansa datolu nian, hamutuk ho dokumentus ezekusaun orsamentu, ho nune'e, se posível apresenta relatóriu sira ligadu ho programa sira iha reunian Konsellu Fiscal INCT nian tuir mai.



Partisipa iha enkontru ne'e maka hanesan, segundu Vise-Prezidente Konsellu Ezekutivu INCT, Dr. Augusto da Conceição Lobo Soares, Xefe Departamentu Teknolojia no Inovasaun (DTI), Sra. Jesuina Inês do Rosario De Sousa, Mentor no Investigador sira.



APRESENTAÇÃO DO PROJETO DE INVESTIGAÇÃO 2022 DO SOP DO INCT

Díli, 22 Janeiro 2022 – Instituto Nacional de Ciência e Tecnologia (INCT, sigla em Português), realizou uma reunião interna sobre a estrutura do INCT, sob a presidência do Presidente do Conselho Executivo do INCT, Dr. José Cornélio Guterres, na sala de reuniões do INCT, Balide.

Reunião que teve como ponto principal: primeiro, apresentar o plano de investigação do INCT para o ano fiscal 2022, sob a presidência do Dr. Filipe Abraão Couto; segundo ponto de apresentação sob a presidência da Dra. Paula Ferreira, sobre a implementação do *Standard Operating Procedure* (SOP) instituído.

Objetivo da reunião foi apresentar o Projeto de Investigação do INCT para o ano fiscal 2022 sob a presidência do Dr. Filipe Couto, no qual foram apresentadas as técnicas do INCT, Dra. Paula Ferreira, sobre o Padrão Operacional de Procedimento (S.O.P.).

O Vice-Presidente do Conselho Executivo do INCT, Dr. Valentim Ximenes, na sua intervenção, afirmou que o SOP é

importante para o Instituto, pois, através do mesmo, é possível ter uma guia de serviços administrativos que será de grande importância. Relativamente ao projeto de investigação do INCT, aprovou-se o mesmo, e foi anunciado que, no próximo mês de fevereiro, será apresentado o organograma do Instituto.

Participaram da reunião o Vice-Presidente do Conselho Executivo do INCT, Dr. Augusto Soares, chefe do departamento e o chefe da divisão de sira no funcionário do INCT.





INCT REALIZA SORUMUTU VIRTUAL KONA-BA ESTUDU VIABILIDADE REPOZITÓRIU DIJITAL

Díli, 18 Janeiro 2022 – Institutu Nasionál Siênsia no Teknolojia (INCT, sigla iha Português) realiza sorumutu virtual liu hosi plataforma *Zoom Meeting* ho peritu internasionál sira hodi ko'alia konaba pontu situasaun Estudu Viabilidade Repositóriu Sientífiku Dijital, ne'ebé prezide hosi Xefe Painel, Dr. Dionísio Soares Babo nomos akompaña hosi Presidente Konsellu Ezekutivu INCT, Dr. José Cornélio Guterres, iha instalasaun INCT, Balide.

Objetivu hosi sorumutu ne'e atu partilla informasaun konaba fornecida hosi stakeholders (parte envolvida no interesada iha prosesu hotu-hotu) ne'ebe responde ba solisitasaun hosi *Expert panel* ho forma atu identifika vantajen no desvantajen ba kriaun repositóriu sientífika dijital ba Timor-Leste, ba universidade sira, ba profesor no estudante sira no ba comunidade sientífica no akadémika jerál.

Peritu ba Estudu Viabilidade Repositóriu Dijital

mai hosi Europa no Kanada, OACPS-PSF & *Science Technology Innovation* (STI), Dra. Paula Morais, Dr. Ron Dekker no Amitav Rath no respondente sira mak hanesan Prof. Dr. João Martins (Reitor UNTL), Prof. Dr. Pedro Ximenes (Reitor IOB), Prof. Dr. João Saldanha (Reitor JSU) Sr. Fausto no Sra. Elisabeth (TIC Timor), Sr. Octaviano (IPG), Sr. Natalio Soares (ICT-TL), Sra. Joana (Telkomcel), Estaqui Saldanha (Timor Telekom) no Sancho Xavier (Fundasaun Mahein).





CRA LAW FIRM HALO APRESENTASAUN KONA-BA REVIZAUN ESTATUTU NO DEPÓZITU LEGAL INCT NIAN

Díli, 15 Feveireiru 2022 – Institutu Nasionál Siênsia no Teknolojia (INCT, sigla iha Português), hala'o sorumutu ho CRA Law Firm Timor-Leste. Enkontru ne'ebé hala'o iha instalasaun INCT, Balide prezide hosi Prezidente Konsellu Ezekutivu INCT, Dr. José Cornélio Guterres.

Objetivu hosi enkontru ne'e atu halo apresentasaun hosi membru CRA Law Firm Timor-Leste, Kona-Ba Alterasaun Dekretu Lei Rejime Jurídiku Ba Depózitu Legal Ba Publikasaun Iha Timor-Leste Nomós Apresentasaun Ba Alterasaun Dekretu Lei Kona-Ba Estatutu INCT.

Partisipa iha enkontru ne'e maka hanesan I Vise-Prezidente Konsellu Ezekutivu INCT, Dr. Valentim Ximenes, Sekretária Ezekutiva INCT, Dra. Maria Elsa Diogo Correia, Dr. Duarte Simões Carneiro, Administradór no Advogadu CRA, Dr. José Baptista Neves, Asesor INCT, Dr. Filipe Abraão Couto, Xefe

Departamentus no Xefe Divizaun sira.

Reuniaun ne'ebé hala'o lora rua (2) ne'e partisipa hosi investigador ne'ebé hala'o peskiza iha área Agrikultura, Ekonomia, Edukasaun no Sosial, Mentor sira, dirijenti no Tékniku INCT rasik.





I VISE-PREZIDENTE KONSELLU EZEKUTIVU INCT PARTISIPA IHA LANSAMENTU WEBSITE BA KNTLU

Díli, 22 Feveiriu 2022 – Representante Sua Excia. Ministru Ensinu Superiór, Siénsia no Kultura (MESSK), I Vise-Prezidente Konsellu Ezekutivu INCT, Dr. Valentim Ximenes partisipa iha Seminariu Lansamentu Website ba Komisaun Nasionál Timor-Leste ba UNESCO (KNTLU) no Palestra Anu Letivu 2022 ba estudante Komunikaun Sosiál

Universidade Nasionál Timor Lorosa'e (UNTL). Serimónia ne'e hala'o iha salaun Katedral, Vila-Verde.

Sekretáriu Ezekutivu Interinu Komisaun Nasionál Timor-Leste ba UNESCO, Sr. Francisco Barreto profere iha nia diskursu hato'o benvindu ba konvidadus sira, nia-



hosi liña eletróniku hanesan komunikaun hodi responde ba situasaun atuál iha tempu pandemia.

Iha sorin seluk, Dr. Valentim Ximenes, ne'ebé representa Ministru Ensinu Superior Siênsia no Kultura (MESSK), afirma, iha ninia diskursu katak, la'os pur akazu imprensa koñesida iha literatura polítika, hanesan poder dahaat, espresaun ida ne'ebé laiha valor jurídku, maibé espresaun ne'ebé buka atu tradus oit oan influênsia hosi meu komunikaun sosiál ba iha vida polítika koletiva. Imprensa livre sai nu'udar baze ba demokrasia. Ho nune'e, hodi S. Excia. nia naran felisita estudante sira ne'ebé hili ona kareira ne'ebé relevante ba ita nia sosiedade.

Partisipa iha serimónia ne'e, Magnífiku Reitor UNTL, Dr. João Soares Martins, Dr. Aaron Kearney OAM, perito iha área jornalismo, Xefe Departamentu Komunikaun Sosiál no Estudante sira hosi kursu Komunikaun Sosial UNTL.



afirma katak, ho kontribuisaun tomak hosi TIC-Timor ohin loron bele lansa ona website KNTLU hanesan meu hodi disemina informasaun, kona-ba programa KNTLU nian.

Representante Diretor Ezekutivu TIC-Timor, Diretor Infraestrutura TIC-Timor, Sr. Andre Felix Marques hatete, ho lansamentu website no Palestra Anu Letivu 2022 ba estudante Komunikaun Sosiál UNTL bele alkansa objetivu manorin nain sira nian liu



INCT REALIZA WORKSHOP KONA-BA SCIENCE, TECHNOLOGY AND INNOVATION (STI) POLICY

Dili, 22 Fevereiro 2022 – Institutu Nasionál Siênsia no Teknolojia (INCT, sigla iha Português) realiza workshop kona-ba *Science, Technology and Innovation (STI) Policy*. Enkontru ne'e realiza hosi zoom meeting, ne'ebé prezide hosi Dr. Dionísio Soares Babo, iha sala enkontru INCT, iha Balide.

Objetivu hosi reuniaun ne'e atu diskute kona-ba sistema polítika nasional STI, kriaun polítika siênsia, sistema mapamentu hosi polítika STI iha Timor-Leste, ninia implementasaun no dezafiu sira futuru.

Prezidente Konsellu Ezeutivo INCT, Dr. José Cornélio Guterres iha ninia intervensaun hatete, Institutu dezenvolve kooperasaun ho Uniaun Europeia (UE) no OACPS hodi hala'o estudu viabilidade kona-ba projetu rua: kriaun repozitório Dijital Nasionál no programa STI hodi promove peskiza no dezenvolve (R&D) iha Timor-Leste.



Iha inisiu projetu sira ne'e, *Policy Service Facilities* (PSF) rekruta especialista painél, ne'ebé konstitui ho membru nain haat (4): Dr. Dionísio Babo Soares, nu'udar Prezidente painél, Dra. Paula Morais, hosi





Portugal, Dr. Ron Dekker, hosi Holanda, no Sr. Amitav, hosi Canada. Desde fulan Novembru tinan 2021, painél sira halo ona entrevista ho parte interesada sira iha programa rua (2) ne'ebé mensiona.

Iha workshop ne'e Dra. Paula Moraes, Dr. Amitav no Ron Dekker halo apresentasaun mos kona-ba *Introductions Prototype, Systems mapping a STI policy for Timor Leste no Brainstorming a STI policy for Timor Leste*.

PSF, Sr. Alessandro Bello, Reitor Universidade Nasionál Timor Lorosa'e (UNTL), Dr. João Soares Martins, Presidente JSU, João Saldanha, Reitor ICR, Pe. Crisostomo Salar, Reitor UNTAL, Dr. Florindo Pereira no Dr. João Maria dos Reis C. Noronha.



Projetu ne'e hetan apoiu hosi Uniaun European no implementa hosi Organizasaun Afrikanu, Antillas no Estadu Pasífiku (OACPS).

Partisipaihaenkontrune'elVise-PresidenteKonsellu Ezekutivu INCT, Dr. Valentim Ximenes, OACPS R&I



APREZENTASAUN REZULTADU PESKIZA SUISÍDIU KONA-BA ESTRATÉJIA PREVENSAUN NO REDUSAUN NÍVEL SUISÍDA IHA TIMOR-LESTE

Díli, 1 Marsu 2022 – Institutu Nasionál Siênsia no Teknolojia (INCT, sigla iha Português) hala’o sorumutu entre dirigente no estrutura INCT. Reuniaun ne’e prezide hosi Presidente Konsellu Ezekutivu INCT, Dr. José Cornélio Guterres, iha sala enkontru INCT, Balide.

Objetivu hosi enkontru ne’e hodi apresenta rezultadu peskiza sientífica “suisída” – estratéjia prevensaun no redusaun ba nível suisída iha Timor-Leste hosi xefe Departamentu Siênsia Sosiais no Umana, Dr. Leonel da Costa Xavier.

Presidente Konsellu Ezekutivu INCT, Dr. José Cornélio Guterres, iha ninia intervençaun hatete, iha kolesaun dados ba peskiza suisida ne’e la facil, tamba iha prespetiva kultural, ita Timor oan balun ladun hakarak fó hatene sira nia problema ba iha públiku. Maibe ekipa INCT konsege levanta dados no fator sira ligadu ho tema sentral peskiza nian.

Partisipa iha enkontru I no II Vise-Presidente Konsellu Ezekutivu INCT, Dr. Valentim Ximenes no

Dr. Augusto Soares, Sekretária Ezekutiva INCT, Dra. Maria Elsa Diogo Correia, Xefe Departamentu, Xefe Divizaun no funcionáriu INCT rasik.



ESTAJIÁRIA IOB SIRA TERMINA ESTÁJIU IHA INCT

Díli, 23 Marsu 2022 – Institutu Nasionál Siênsia no Teknolojia (INCT, sigla iha Português), hala’o sorumutu ho Estagiadu no Orientador hosi Institute of Business (IOB) ne’ebé prezide hosi Presidente Konsellu Ezekutivu INCT, Dr. José Cornélio Guterres, iha sala enkontru INCT, Balide.

Objetivu husi sorumutu ne’e estajiaria sira, Estela Maria Lidia A. Lelan, Arlinda Francisca da Conceição no Carmelita Pereira atu hato’o agradesimentu ba INCT tanba bele estajiu ona iha Instituisaun refere durante fulan ida.



nune’e matenek ne’ebé ami hetan, espera ida ne’e bele sai bukae ba iha futuru. Orientador Domingos dos Santos, hatete, hodi estrutura IOB agradese ba estrutura INCT tanba simu ona estudante sira hodi halo estajiu iha fatin ne’e.



Partisipa iha sorumutu ne’e I Vise-Prezidente Konsellu Ezekutivu INCT, Dr. Valentim Ximenes, II Vise-Prezidente Konsellu Ezekutivu INCT, Dr. Augusto da Conceição Lobo Soares, Sekretária Ezekutiva INCT, Dra. Maria Elsa Diogo Correia, Xefe Divizaun sira, no Avaliadora IOB, Sra. Liliana de Jesus.

Prezidente Konsellu Ezekutivu INCT, Dr. José Cornélio Guterres iha nia intervensaun hatete durante fulan ida ne’e, estajiária sira hatudu disiplina di’ak iha ambiente servisu no iha relasaun di’ak ho funsionariu sira no espera sira bele aprende buat ruma.

Reprezentante estajiada Arlinda Francisca da Conceição hatete ami agradese ba Presidente INCT bele fó ona espasu no estajiu durante fulan ida ami aprende buat barak hosi fatin ida ne’e,





I. INTRODUÇÃO

- BREVES CONSIDERAÇÕES SOBRE O INCT, O QUE É PARA QUE SERVE.
- APRESENTAÇÃO DO PLANO ESTRATÉGICO E DOS EIXOS DO PLANO ESTRATÉGICO.
- JUSTIFICAÇÃO DA NECESSIDADE DE UM PLANO ESTRATÉGICO.
- APRESENTAÇÃO DE PRINCIPAIS DOCUMENTOS EM QUE SE ORDENA O PLANO ESTRATÉGICO, COMO O INCT, PLANO ESTRATÉGICO DE INVESTIGAÇÃO, CARTA POLÍTICA DO PLANO, VÍDEO DE 10 MINUTOS, RECOMENDAÇÕES CIENTÍFICAS INTERNACIONAIS, NA RELAÇÃO À ORGANIZAÇÃO DA INVESTIGAÇÃO CIENTÍFICA, REPOSITÓRIO CIENTÍFICO E LÍNGUA INTERNACIONAL DE PESQUISA.
- OUTROS.

Dr. Felipe

APRESENTAÇÃO ESBOSU PLANU ESTRATÉJIKU INCT

Díli, 7 Marsu 2022 – Institutu Nasionál Siênsia no Teknolojia (INCT, sigla iha Português) hala'o sorumutu entre dirigente no estrutura INCT sira iha sala instalasaun INCT, Balide ho Objetivu hodi apresenta Esbosu Planu Estratéjiku INCT 2030 hosi Investigador Senior Internasionál INCT, Dr. Felipe Abraão Martins do Couto. Apresenta estrutura planu estratéjiku ne'ebé envolve Vizaun, Misaun, Prinsipiu no Valor sira, Diagnostiku Estratéjiku – oportunidade no dezafiu sira, Vizaun Estratejiku INCT, Liña orientasaun estratejika, Investigasaun, Akreditisaun, Publikasaun, kriaasaun kritériu qualidade no programa valorizasaun profesional ba rekursu umanu instituisaun, no portu sira seluk.

Partisipa iha reuniaun ne'e I no II Vise-Presidente Konsellu Ezekutivu INCT, Dr. Valentim Ximenes no Dr. Augusto Soares, Sekretária Ezekutiva INCT, Dra. Maria Elsa Diogo Correia, Xefe Departamentu no Xefe Divizaun sira.



APREZENTASAUN REZULTADU PRELEMINAR INVESTIGASAUN SIENTÍFIKA BA AVALIASAUN PROGRAMA FDCH 2015-2020

Díli, 8 Marsu 2022 – Diretor Ezekutivu Fundo Dezenvolvimentu Kapitál Umanu (FDCH, sigla iha Português), Dr. Cristóvão dos Reis hamutuk ho estrutura ne'ebé kompoen iha estrutura iha instituisaun, no Dirijente Institutu Nasionál Siênsia no Teknolojia (INCT) hala'ó sorumutu ho Investigador ba Avaliasaun Rezultadu ba Programa FDCH 2015 to'ó 2020. Sorumutu ne'e prezie hosi I Vise-Presidente Konsellu Ezekutivu INCT, Dr. Valentim Ximenes, iha instalasaun INCT, Balide.

Objetivu hosi enkontru ne'e atu apresenta Rezultadu Preliminar hosi Investigador na'in rua: Dr. Afonso de Almeida no Dr. Carlos de Deus. Liu-hosi investigasaun ida ne'e posível atu apura no determina kualidade profisional no grau kualidade empregabilidade rekursu umanu iha área sira hanesan Formasaun Profisional, Formasaun Tékniku, Bolsa Estudu no Formasaun Seluk ne'ebé hetan fundu hosi FDCH durante período mensionadu.



I Vise-Presidente Konsellu Ezekutivu INCT, Dr. Valentim Ximenes iha nia intervensaun hatete rezultadu hosi investigasaun ida ne'e bele kontribui



ba liña ministrial sira hodi rezolve política ba dezenvolvimentu rekursu umanu iha Timor-Leste, tuir Planu Estratéjiku Dezenvolvimentu Nasionál (PEDN) 2011-2030.



Partisipa iha enkontru ne'e II Vise-Presidente Konsellu Ezekutivu INCT, Dr. Augusto Soares, Xefe Departamentu Teknolojia no Inovasaun (DTI), Sra. Jesuina de Sousa, Koordinadór Gabinete ba Planu Peskiza Fiskalizaun no Verifikasaun, Sr. Hermenegildo da Silva, Xefe Departamentu Peskiza, Sr. Fernando do Nascimento no Sra. Maria Godinho.



PRESIDENTE KONSELLU EZEKUTIVU INCT, REPRESENTA MINISTRU ENSINU SUPERIÓR, SIÉNSIA NO KULTURA PARTISIPA IHA SEREMONIA ABERTURA TINAN AKADÉMIKU 2022 UCT

Díli, 24 Marsu 2022 – Iha representasaun Sua Excia. Ministru Ensину Superiór, Siénsia no Kultura (MESSK) Timor-Leste, Prezidente Konsellu Ezekutivu INCT, Dr. José Cornélio Guterres, partisipa iha seremonia abertura Tinan Akadémiku 2022 Universidade Católica Timorense (UCT) São João Paulo II, iha salaun Nobel da Paz, Balide.

Prezidente afirma katak, ohin nu'udar momentu istóriu ida ba Universidade Katolika iha Timor-Leste. Universidade ida ne'ebé bele marka diferença hosi Universidade sira seluk, significa

katak la'os de'it oferese kursu foun maibe bele oferese kondisaun di'ak liu hodi inova prosesu no aprendizajen nomós investigasaun.






Marco Sprizzi, Premiadu Nobel da Paz, Dr. Jose Ramos Horta, Dom Virgilio do Carmo da Silva, SDB, Embaixador Republika Indonésia iha Timor-Leste, Dr. Okto Dorinus Manik, Reitor UCT, Pe. Joel Casamiro Pinto OFM, Diretor Ezekutivu ANAAA, Dr. Edmundo Viegas, Reitor Universidade Publiku no Privada no Estudante sira.



Hodi Sua Excia. Ministru Ensinu Superior, Siênsia no Kultura (MESSK), Doutor José Cornélio Guterres subliña katak papel dosente ne'e vital atu konkista ensinu ida ho qualidade no aprendizajen ensinu superior. Iha sentidu ida ne'e, Prezidente enkoraja dosente universitariu atu aposta iha qualidade prosesu ensinu aprendizajen, hanesan mos dezvoltimentu investigasaun akadémika no sientífika, tanba liu-hosi investigasaun ita bele hamosu siênsia no inova teknolojikamente, situasaun ne'ebé sei posibilita fornese dadus kredível ba governante sira hodi formula política pública ba dezvoltimentu nasonál.

Partisipa iha seremonia ne'e Representante da Santa Sé em Timor-Leste, Rev.ma Monsenhor



DIRIJENTI INCT HALA'O SORUMUTU HO EKIKA KAK

Díli, 30 Marsu 2022 – Institutu Nasionál Siênsia no Teknolojia (INCT, sigla iha Português), hala'o sorumutu ho Komisaun Anti-Korupsaun (KAK) ho objetivu atu simu instruções hosi KAK kona-ba mekanizmu preensimentu formuláriu iha sistema Declaração de Rendimentos, Bens, e Interesses (DRBI). Encontro ne'e prezide hosi Sekretária Ezekutiva INCT, Dra. Maria Elsa Diogo Correia, iha sala reuniaun INCT, Balide.

Sekretária Ezekutiva INCT, iha ninia intervensaun agradese ba Sr. António Alves, Diretor Nasionál Inspesaun no Monitorizasaun hosi KAK, Sr. António Alves no ekipa tékniku ba apresentasaun kona-ba preensimentu formuláriu ligadu ho sistema Declaração de Rendimentos, Bens, e Interesses (DRBI).

Diretor Nasionál Inspesaun no Monitorizasaun (KAK) Sr. António Alves, informa katak prezensa ekipa KAK iha Institutu ne'e atu informa no orienta modelu preensimentu formatu deklarasaun iha plataforma sistema Declaração de Rendimentos, Bens, e Interesses (DRBI).

Partisipa iha enkontru ne'e Prezidente Konsellu Ezekutivu INCT, Dr. José Cornélio Guterres, I no II Vise-Prezidente Konsellu Ezekutivu INCT, Dr. Valentim Ximenes, II no Dr. Augusto Soares, Xefe Departamentu no Xefe Divizaun sira no ekipa KAK.



APREZENTASAUN REZULTADU INVESTIGASAUN INCT TINAN 2021 IHA MUNISÍPIU BOBONARO

Díli, 29 Marsu 2022 – II Vise-Presidente Konsellu Ezekutivu Institutu Nasionál Siênsia no Teknolojia (INCT, sigla iha Português) Dr. Augusto Soares, hamutuk ho Xefe Departamentu Siênsia Ezata no Siênsia Naturais INCT, dr. Gregorio Rangel halo distribuissau rezultadu investigasaun sientífika INCT, relativu ba tinan fiskal 2021 nian no asina Memorandu Entendimentu ho Autoridade Munisipiu Bobonaro, iha salaun administrasaun Munisipiu nian.



Distribuissau rezultadu investigasaun sientífika INCT ho objetivo atu dissemina informasaun sientífika sira atu ida ne'e sai hanesan referênsia ida ba autoridade lokal sira no sosiedade sivil ba dezvoltamentu ida ne'ebé di'ak ba sira nia política pública. Enkontru permite atu rekolla informasaun foun sira hodi elabora projetu estudu foun ba iha futuru, fahe liña investigasaun INCT nia iha nível munisípiu no lori siênsia, teknolojia no inovasaun ba comunidade sira.



II Vise Presidente Konsellu Ezekutivu INCT, Dr. Augusto Soares, iha ninia intervensaun informa katak, iha tinan 2021, Institutu rekruta Dosente Investigador sira hosi Universidade Públiku no Privada sira hodi realiza investigasaun sientífika sanulu resin neen (16). Iha sentidu ida ne'e, investigasaun ne'ebé hala'o iha Munisípiu Bobonaro tenke apresenta ba lideransa munisipiu sira.

Relativamente ho akordu ne'ebé asina entre INCT ho Autoridade Munisipiu Bobonaru ne'e ho intuitu ida ida atu autoridade lokal sira identifika rasik área prioritária investigasaun iha futuru b munisipiu ida ne'e.

Representante Sekretáriu Autoridade Munisipiu Bobonaro, Diretora Servisu Munisipal NGOs no Assunto Komunitaria apresia ho inisitaiva INCT nian, nomós distribuissau rezultadu investigasaun iha área prioritária sira iha Bobonaro hanesan agrikultura, turizmu no seluk tan.

Atividade ne'e hetan partisipasaun hosi Sekretáriu Autoridade Munisipiu Bobonaro, Ponto Fokal, Administrador Postu Administrativu, Xefe Suku, Komandante Polísia Nasionál Timor-Leste (PNTL), Dosente hosi Institute of Business (IOB) Maliana, Funsionáriu Administrasaun Munisipiu Bobonaro, Diretor liña Ministeriál sira, Ajénsia Lokál no Komunidade sira.





KANDIDATU SELESIONADU BA FAZE DARUAK HALO APREZENTASAUN PROPOSTA INVESTIGASAUN TINAN FISKAL 2022

Díli, 11 Abril 2022 – Kandidatu selesionadu ba segunda faze ba atribuisaun fundu investigasaun sientífica Instituto Nasionál Siênsia no Teknolojia (INCT, sigla iha Português) tinan fiskal 2022 halo apresentasaun ba proposta investigasaun iha instalasaun INCT, Balide.

Presidente Konsellu Ezekutivu INCT, Dr. José Cornélio Guterres, iha nia intervensaun, afirma katak, konkursu ba atribuisaun fundu ba projetu investigasaun sientífica ba tinan fiskal 2022 ho misaun ida atu promove siênsia no teknolojia iha Timor-Leste iha área: Inovasaun, Teknolojia no Infraestrutura; Edukasaun, Dezenvolvimentu Umanu no Inklusaun Sosial; Ekonomia, Agrikultura, Turizmu no Industria; ikus liu, Meiu Ambiente, Biodiversidade no Alterasaun klimátika. Presidente mos anunsia katak investigasaun sientífica ne'e nia alvumakdosenteinvestigadorsirahosiUniversidade



Públiku no Privada nomós Investigador sira hosi sentru peskiza iha Timor-Leste. Iha tinan ne'e, total projetu investigasaun iha área temática lima (5), liña investigasaun sanulu (10), ho total projetu estudu rua nulu resin haat (23) ne'ebé ita anunsia ona.

Iha loron 9, fulan Feveireiru tinan 2022, INCT loke konkursu no simu submisaun proposta hamutuk-



haat nulu resin rua (42). Hafoin halo avaliasaun kurikular iha faze dahuluk no respetiva selesaun ba dokumentu proposta investigasaun, aprova proposta sanulu resin ualu (18) no rua nulu resin hat (24) mak la aprova.



Avaliador sira selesionadu bazeia ba méritu kurikular, esperiênsia akadêmika. Ho nune'e, avaliador ba projetu investigasaun sientífika INCT mak Dr. Benjamin Cortereal, Dr. Francisco Miguel Martins, Dr. Helio Augusto da C, X, Mauquei, Dr. Fernando Hanjam, Dr. Claudio N. Nabais, Dr. Nolasco da Costa, Dr. Azevedo L. da Costa Marçal, Dr. Nelson

Salsinha, Dr. Cancio Monteiro, Dr. Junior Raimundo da Cruz, Dr. Afonso de Almeida, Dr. Armando B. Afonso no Dr. Carlito Malicode.

Investigador sanulu resin ualu (18) apuradu ba faze daruak mak Dr. Aurélio Guterres, Dr. Edmundo Viegas, Dr. Nílton Mau, Dra. Teresa Freitas Belo, Dra. Adéríta Takeleb dos Santos, Dra. Adéríta Takeleb dos Santos, Dr. Domingos Maria Barreto, Dra. Brígida A. Correia, Dr. Augusto da Costa, João Boavida da cruz, Dr. João Muni, Dr. Mateus Ximenes, Dr. Lúcio Ximenes, Dra. Yualiaty, Dr. Vicente Soares Faria, Dr. Acácio Cardoso Amaral, Dra. Delia Ximenes A. Belo, Dr. Hélio Brites no Dr. Alfredo Santos.





PARTISIPASAUN II VISE-PREZIDENTE KONSELLU EZEKUTIVU INCT IHA APREZENTASAUN FINAL REZULTADU AVALIASAUN PROGRAMA FDCH

Díli, 12 Abril 2022 – II Vise-Presidente Konsellu Ezekektivu Institutu Nasionál Siênsia no Teknolojia (INCT), Dr. Augusto Soares, partisipa iha Aprezentasaun Final Rezultadu Avaliasaun Programa Fundu Dezenvolvimentu Kapitál Umanu (FDCH, sigla iha Português) 2015-2020, ne'ebé kondús hosi Investigador Dr. Afonso de Almeida no Dr. Carlos de Deus. Aprezentasaun ne'e prezide hosi Diretor Ezekektivu FDCH, Dr. Cristovão Reis, iha instalasaun FDCH.

Diretor Ezekektivu iha ninia intervensaun, afirma katak, apresentasaun aezultadu avaliasaun Programa FDCH ne'e ho objetivu ida atu hadi'a servisu instituisaun ne'e nian, ligadu ho programa haat (4) ne'ebé sira finansia hanesan Formasaun Profisional, Formasaun Tékniku, Bolsa Estudu no Formasaun Seluk.

Programa Avaliasaun Rezultadu FDCH 2015-2020 ne'e realiza iha fulan Outubru to'o Novembru tinan 2021 hosi INCT, nu'udar Instituisaun ida ne'ebé ho

misaun atu promove Investigasaun sientífika iha Timor-Leste, no totalmente finansia hosi FDCH.

Aprezentasaun ne'e partisipa hosi dirijenti FDCH, tékniku no funsionariu sira.



INCT REALIZA REUNIAUN KOSELLU JERÁL DANEEN

Díli, 21 Abril 2022 – Institutu Nasionál Siênsia no Teknolojia (INCT, sigla iha Português) hala'ó reuniaun Konsellu Jerál Daneen ne'ebé prezide hosi Prezidente Konsellu Jerál, Sua Excia. Ministru Ensinu Superior, Siênsia no Kultura (MESSK), Dr. Longuinhos dos Santos, iha sala enkontru MESSK.

Prezidente Konsellu Jerál, Sua Excia. Dr. Longuinhos dos Santos, iha ninia intervensaun agradese ba esforsu tomak ne'ebé INCT halo hodi realiza reuniaun ne'e no afirma katak, reuniaun ida ne'e atu define liña jerál atividade, halo aprovasaun planu anual, rejimentu, regulamentu no estatutu institutu nian. Nia mos rekomenda atu INCT halo kooperasaun ho Universidade Públiku no Privada sira atu kria kondisaun ba dezvoltamentu sentru investigasaun, ho forma ida ne'e, sei dezvoltave investigasaun ne'ebé iha impaktu ba iha sociedade, solisita mos atu halo mapeamentu hodi identifika potencial sentru investigasaun sira ho fin ida atu estabelese koordinasaun ho instituisaun públiku ka privada sira, ho objetivu atu hadi'a qualidade Ensinu Superior.

Partisipa iha reuniaun ne'e mak membru konsellu jerál sira, nomedamente Prezidente Konsellu Ezekutivu INCT, Dr. José Cornélio Guterres, I no II Vice-Prezidente Konsellun Ezekutivu INCT, Dr. Valentim Ximenes no Dr. Augusto Soares, Reitor Dili Institute of Technology (DIT), Dr. Alvaro Menezes Amaral Ph.D, Prezidente Institutu Politékniku Betanu (IPB), Dr. Acácio Cardoso Amaral, PhD, Dr. Vicente Paulo Correia no tékniku sira hosi Ministériu no INCT.





INCT SIMU VIZITA HOSI UNIVERSIDADE WARMADewa BALI

Díli, 25 Abril 2022 – Dirijenti sira hosi Institutu Nasionál Siênsia no Teknolojia (INCT, sigla iha Português), simu bainaka hosi Universidade Warmadewa (UNWAR), hosi Bali no Institute of Business (IOB), Díli, ho objetivu hodi apresenta proposta investigasaun hosi Q. A. Post Graduate Universidade Uarmadewa, Dr. I Made Mardika, ho tema “Dynamic Model of Tourism Development Comparison Study of Bali and Timor”. Estudu ne’e sei realiza hosi Universidade Warmadewa (UNWAR), Bali no Joint Research IOB.

Prezidente Konsellu Ezekutivu INCT, Dr. José Cornélio Guterres iha nia intervensaun, hatete, misaun prinsipál Institutu nian atu promove siênsia teknolojia no inovasaun iha Timor-Leste, liu hosi peskiza puru no aplikada. INCT mos halo ona kooperasaun ho LIPI Jakarta, UNESCO no Uniaun Europeia, ho intuitu atu promove investigasaun sira iha Timor-Leste.

Iha fatin hanesan, I Vise Reitor IOB, Sr. António Soares Martins, define INCT hanesan institusaun ida ho nia papel importante atu promove investigasaun,

ho nune’e, IOB propôs apresenta universidade UNWAR mai INCT, ho forma ida ne’e, iha futuro, bele koopera ho UNWAR tuir polítika Governu nian. Antes ne’e IOB ho Universidade Warmadewa Asina Nota Entendimentu kona-ba investigasaun iha área turizmu.

I Vise-Prezidente Konsellu Ezekutivu INCT, Dr. Valentim Ximenes, apela atu rezultadu hosi investigasaun tenke apresenta mai iha INCT, tanba objetivu prinsipál Institutu nian mak promove siênsia teknolojia no inovasaun.

Dr. Augusto Soares, II Vise-Prezidente Konsellu Ezekutivu INCT, konsidera tema investigasaun relevante ho situasaun atual Timor-Leste. Nune’e, nia espera investigasaun ne’ebé sei hala’o hosi Universidade Uarmadewa, hamutuk ho IOB, bele fó rezultadu ne’ebé di’ak.

Partisipa iha sorumutu ne’e Investigador sira hosi Universidade Warmadewa, Assoc Prof. Dr. Putu Ngurah Suyatna Yasa, Assoc Prof. Dr. Drs. I Made Mardika, Assoc Prof. Dr. Ida Bagus Udayana Putra, Dr. I Made Suniasta Amertha no estrutura hosi IOB.



DISEMINASAUN LEI REJIME KONTRIBUTIVA MAI FUNSIONARIU INCT

Díli, 28 Abril 2022 – Institutu Nasionál Siênsia no Teknolojia (INCT, sigla iha Português) hala'o sorumutu ho Jurista Instituto Nacional Seguransa Sosial (INSS), Sr. Zeferino da Costa Bobo, ho objetivu hodi esklarese ba funsionáriu INCT sira, relativamente rejime INSS. Apresenta lei numeru 12/2016, relativu rejime contributiva Seguransa Sosial mai Dirijente no Funsionariu INCT tomak.

Il Vise-Presidente Konsellu Ezekutivu INCT, Dr. Augusto Soares, iha nia intervensaun, refere katak, ho prezensa hosi Sr. Zeferino da Costa Bobo, bele esklarese preokupasaun funsionáriu sira nian, tanba kada fulan sempre ko'a saláriu funsionáriu sira nian tuir lei ne'ebé estabelese ona.

Tékniku INSS, Sr. Zeferino da Costa Bobo, informa katak, obstakulu INCT nian mak seidak prienxe formuláriu inskrisaun ba traballador no seidak rejistu INCT nu'udar entidade empregadoa iha sistema seguransa sosial. Ho nune'e, rekomenda atu Institutu rejista iha INSS hodi hetan direito ne'ebé iha. Menciona benefisiu ne'ebé sei hetan iha

lei ida ne'e hanesan subsidu maternidade, subsidu paternidade, Adosaun, Risku klinika durante isin rua, interupsaun gravidez ka abortu no subsidu mate/reembolsu despeza funeral no pensaun sobrevivensia, pensaun invalidez absoluta no pensaun invalidez relativa no pensaun vellise.

Partisipa husi sorumutu ne'e Sekretaria Ezekutiva INCT, Dra. Maria Elsa Diogo Correia, Xefe Departamentu, Xefe Divizasaun no funsionariu sira hotu.



SERIMÓNIA ASINATURA KONTRATU BA ATRIBUISAUN FUNDU PROJETU BA INVESTIGASAUN SIÊNTEFIKA INCT TINAN FISKAL 2022

Díli, 10 Maiu 2022 – Institutu Nasionál Siênsia no Teknolojia (INCT, sigla iha Português) realiza Serimónia Asinatura Kontratu ba Atribuisaun Fundu Projektu Investigasaun Siêntifika INCT Tinan Fiskal 2022, iha salaun JL Villa, Fatuhada.

Objetivu hosi serimónia ne'e atu apresenta "Padrões da Elaboração dos Relatórios de Investigação" hosi Dr. Felipe Couto, "Padrão da Ética de Pesquisa", apresenta hosi Xefe Departamentu Etika, Sra. Jacinta dos Santos Guterres, apresentasaun "Manual da Execução de Pesquisa", hosi Sekretária Ezekutiva, Dra. Maria Elsa Diogo Correia, no ikus liu, Asinatura Kontratu entre INCT no Investigador sira.



mos investigasaun ne'e importante tebes atu ajuda fornese dados ba ita nia Governante, atu nune'e iha futuru bele formaliza política pública ne'ebé mak di'ak bazeia ba rezultadu investigasaun.

Representante Investigador sira, Dra. Brigida A. Correia, agradese tebes ba oportunidade ne'e no promete sei halo investigasaun ho másimu responsabilidade no profesional. Maibe sujere mos ba responsável INCT no Ministériu relevante atu tau konsiderasaun ba atribuisaun fundus, tantu ba iha investigasaun esperimetral no la esperimental sira.

Partisipa iha enkontru ne'e Presidente Konsellu Ezekutivu INCT, Dr. José Cornélio Guterres, Diretora Jeral MESCC, Dra. Maria Filomena Lay Guterres, Membro Konsellu Jeral, Dr. João Fernandes, Investigador no funsionáriu INCT rasik.



I Vise Presidente Konsellu Ezekutivu INCT, Dr. Valentim Ximenes iha nia intervensaun hatete, ohin ita konvida investigador nasional ho total sanulu resin rua (12) ne'ebe mak aprovalu iha konkursu investigasaun sientífica iha Timor-Leste, atu atribui fundu hodi halo investigasaun tuir kalendáriu ne'ebé marka ona. Tinan ida ne'e, INCT atribui fundus hamutuk rihun hitu nulu resin lima \$75.000 dolares ba investigador sanulu resin rua (12) no kada grupu hetan, dollar amerikanu rihun lima \$5.000. Informa





INCT REALIZA ENKONTRU KONSELLU SIENTÍFIKU BA DANEEN

Díli, 17 Maiu 2022 – Institutu Nasionál Siênsia no Teknolojia (INCT, sigla iha Português) realiza enkontru Konsellu Sientífiku ba Daneen ho objetivu hodi apresenta planu anual INCT no área temátika investigasaun sientífica tinan fiskal 2022. Enkontru ne'e prezide hosi Presidente Konsellu Sientífiku, Dra. Ana Isabel de Fatíma Sousa Soares, iha sala reuniaun INCT, Balide.

Iha apresentasaun, I Vise-Presidente Konsellu Ezekutivu INCT, Dr. Valentim Ximenes, informa katak, área tematika investigasaun sientífica ne'e fahe ba parte tolu (3) hanesan área siênsia teknolojia, Inovasaun no Infrastruturas; siênsias sosial no umanu; siênsia Ezata no naturais. Hosi área sira ne'e ita fahe tan ba área tematika lima (5) hanesan inovasaun no infraestrutura; edukasaun, formasaun no inkluziun sosial; ekonomia, agrikultura, turizmu no indústriia; saúde no bem-estar; meu ambiente, biodiversidade no alterasoens klimáticas. Nune'e, informa mos ba membru Konsellu Sientífiku katak, tinan ida ne'e INCT finansia projetu investigasaun sientífica hamutuk sanulu resin rua (12) ne'ebé mak aprovalu hosi painel júri sira ho total orsamentu Dolar Amerikanu rihun neen nulu (\$ 60,000.00).


Segundu Presidente Konsellu Sientífiku, Dra. Ana

Isabel de Fatíma Sousa Soares, afirma katak, husu ba INCT hala'o projetu investigasaun sira ne'e ho responsabilidade masimu. Nia dehan atu Institutu halo kooperasaun ho sentru peskiza sira iha Timor-Leste, atu halo investigasaun ba área sira ne'ebé sei falta, hanesan saúde.



Iha sorin seluk, II Vise-Presidente Konsellu Ezekutivu INCT, Dr. Augusto Soares, iha nia intervensaun hatete, INCT halo ona kooperasaun ho autoridade munisipiu sira ligadu ho liña investigasaun sira, ho nune'e, rezultadu hosi investigasaun ne'e, INCT sei disemina ba autoridade no comunidade sira, atu nune'e bele formula política no planu tuir rezultadu investigasaun sientífica.

Partisipa iha enkontru ne'e, estrutura INCT no membru konsellu sientífiku, Dr. Estanislau Saldanha, Dra. Carla A. J. da Costa no Dr. Nilton Paiva Mau.



XEFE DEPARTAMENTU ÉTIKA INCT PARTISIPASA IHA ENKONTRU STEPAN

Díli, 25 Maiu 2022 – Xefe Departamentu Étika, Sra. Jacinta dos Santos Guterres, participa iha enkontru kona-ba “Science Engineering Technology and Innovation Policy Asian Network (STEPAN)”, ho objetivu atu apresenta kona-ba implementasaun dezempeñu STEPAN, programa sira, estabelese ekosistema rede inovador hodi garantia rede efikas no implementasaun Planu Asaun STEPAN 2021-2025. Enkontru ne’e organiza hosi UNESCO, iha fatin sala enkontru INCT.

Xefe Departamentu Étika INCT, Sra. Jacinta dos Santos Guterres, nu’udar pontu vokal ba STEPAN iha Timor-Leste, halo apresentasaun kona-ba “Rezumu atualizasaun Polítika no Estratéjia SETI (Science Engineering Technology Innovation) no Mapeamentu ba atividade sira iha área atuasaun STEPAN (Science Technology Engineering Innovation Policy Asia and the Pacific Network)”.

Participa iha Enkontru ne’e Mr. Mohamed Djelid, UNESCO Office Jakarta, Prof. Madya Dr. Aini, Suzana

Ariffin STEPAN Chair, Dr. Ai Sugiura, STEPAN Secretariat UNESCO Jakarta, Prof. Shahbaz Khan, VC 2 Dr Inkyoung Sun, Dr. Mahesha Sigera Nadugala, Dr. Renato U. Solidum, Jr. Philippines NFPR, Dr. Md. Selim Reza, Bangladesh NFPR, Prof. Madya Dr. Aini Suzana Ariffin Malaysia NFPR, Prof. Lim Tit Meng, Singapore NFPR, Dr. Sophal TRY, Cambodia NFPR, Dr. Ir. Tusy Augustine, M.Si, Indonesia NFPR, Ir. Dr. Tang Shi Siong, Brunei Darussalam NFPR no Republic of Korea Dr. Eunjung Shin, Republic of Korea NFPR and Dr. Inkyung Sun, STEPI.





ENSERAMENTU ESTAJIARIU UNPAZ IHA INCT

Díli, 26 Maiu 2022 – Institutu Nasionál Siênsia no Teknolojia (INCT, sigla iha Português), halo sorumutu ho estajiáriu sira no Dosente hosi Universidade da Paz (UNPAZ) hodi halo enseramentu ba estajiária Nelia Maria da Costa Ximenes Ribeiro, Efizenia Casmira Barros no Jenedio Frederico Pereira. Sorumutu ne'e prezide hosi II Vise-Presidente Konsellu Ezekutivu INCT, Dr. Augusto Soares, iha sala enkontru INCT, Balide.

manan esperiênsia iha área administrasaun, aprovizionamentu no finansas.

Dosente Paulo Víctor Caldas Soares, hateten lori Universidade da Paz hato'o agradesimentu tebes ba INCT bele simu ona ami nia estudante sira no fasilita sira hodi hala'o sira nia estajiu durante fulan ida iha institutu ne'e, maske ho tempu ne'ebé limitadu tebes, maibé tenke tuir kalendáriu universidade nian.

Efizenia Casmira Barros, nu'udar representante, hato'o agradesimentu ba Presidente no estrutura tamba durante ne'e bele aprende no prátika saida mak aprende iha universidade.

Partisipa iha sorumutu ne'e, Xefe Divizaun Sr. Benjamin Cabeças, Sra. Maria Jose A. da Costa Gonçalves no Sra. Suzana Maria Delfina dos Santos.



II Vise-Presidente Konsellu Ezekutivu INCT, Dr. Augusto Soares, iha nia intervensaun hatete, lori INCT nia naran agradese ba estajiáriu sira ne'ebé durante fulan ida estajiu iha institutu ne'e. Ami espera katak imi bele aproveita ho di'ak no





APRESENTAÇÃO RELATÓRIO FINAL ESTUDO VIABILIDADE REPOZITÓRIO DIJITÁL NASIONÁL NO PROGRAMA SCIENCE TECHNOLOGY INNOVATION (STI)



Díli, 25 Maiu 2022 – Institutu Nasionál Siênsia no Teknolojia (INCT, sigla iha Português) hamutuk ho OACPS R& I PSF realiza enkontru final kria saun estudu viabilidade Repozitóriu Dijitál Nasionál no Programa STI ho objetivu atu apresenta relatóriu final hosi projetu rua ne'e. Enkontru ne'e hala'o liu-hosi plataforma zoom meeting, iha sala enkontru INCT, Balide.



Service Facilities (PSF) no hetan finansimentu hosi Uniaun Europeia (UE). Ohin entrega ninia rezultadu final ba INCT, atu nune'e, Instituto bele estabelese software Repositório Dijital Nasionál hodi depozita matéria sientífiku sira. Presidente hato'o mos agradesimentu ba peritu sira hosi Policy Service Facilities (PSF), Dra. Paula Morais, Dr. Ron Dekker, Sr. Amitav no Dr. Dionisio Babo.

Partisipa iha enkontru ne'e Assistant Secretary-General of the Department of Political Affairs and Human Development, Dr. Norbert Richard Ibrahim, Delegation of the European Union to Timor-Leste, Ambassador Andrew Jacobs, Embassy of Timor Leste in Brussels, Dr. João Noronha, Represent Minister of Tourism, Commerce and Industries, Dra. Maria Filomena Lay, Director General and Represent Minister of Higher Education, Science and Culture.



Presidente Konsellu Ezekutivu INCT, Dr. José Cornélio Guterres, iha nia intervensaun informa, iha fulan Marsu 2021, INCT halo ona kooperasaun ho peritu sira hosi Policy Service Facilities (PSF)-OACPS, atu halo estudu viabilidade kona-ba projetu rua ne'e. Repositriu Dijital Nasionál ne'e rasik kria hodi depozita matéria sientífika sira, inklui disertasaun, jornál sientífiku no teze ho intuitu atu promove siênsia no kontribui ba dezvoltamentu STI nune'e hodi formula política pública hodi dezvoltave siênsia no teknolojia iha Timor-Leste. Estudu viabilidade ne'e hala'o durante fulan neen (6) hosi Organizasaun Africa Caribbean e Policy

ESTRUTURA MÁSIMU INCT SIMU AUDIÊNSIA HOSI EKIPIA KOMISAUN ANTI-KORUPSAUN (KAK)

Díli, 1 Juñu 2022 – Estrutura INCT simu audiência hosi ekipa Komisaun Anti-Korupsaun (KAK) ho objetivu atu diskute área peskiza KAK nian no tau hamutuk ideia hodi identifika área estratejika ba peskiza refere. Enkontru ne'e prezide hosi Presidente Konsellu Ezekutivu INCT, Dr. José Cornélio Guterres, iha instalasaun INCT, Balide.



Iha intervensaun, Dr. José Cornélio Guterres, informa katak, ida ne'e enkontru ba daruak hodi ko'alia kona-ba peskiza sientífica iha área KAK nian no klaru katak, misaun prinsipal INCT nian mak halo no promove peskiza ho universidade sira, instituisaun Governu no individu sira. Nune'e rezultadu hosi investigasaun refere bele formula política ba instituisaun relevante sira no estadu.

Komisariu Adjuntu Prevensaun no Sensibilizasaun KAK, Sr. Luís de Oliveira Sampaio, agradese ba disponibilidade hatete, ekipa mai ho intuitu atu follow up ba diskusaun dahuluk hodi hetan ideia balun ba kooperasaun potenciál sira iha futuru, ligadu ho peskiza. Komisariu ne'e hatutan, KAK hanesan orgaun judisiál ida ne'ebé estabelese iha tinan 2010 ho misaun prinsipal rua mak hanesan investigasaun no servisu prevensaun no

sensibilizasaun. Iha servisu prevensaun nian mak ami halo kontaktu ho entidade públiku sira hotu hodi tau hamutuk ideia, forsa, estratejia no kooperasaun iha área temátika rua ne'ebé mensionadu hodi halo peskiza.

Iha biban ne'ebé hanesan, Presidente informa bolu atensaun atu prepara rekurusu umanu no orsamentu, tanba hosi sira, ita bele halo peskiza ida. No informa atu halo memorandu entendimentu ida entre instituisaun rua ne'e hodi identifika área prioritária peskiza nian.

Partisipa iha enkontru ne'e, I no II Vise-Presidente Konsellu Ezekutivu INCT, Dr. Valentim Ximenes no Dr. Augusto Soares, Sekretária Ezekutiva INCT, Dra. Maria Elsa D. Correia, Xefe Unidade Estudo Avaliasaun no Risku, Sr. Cirilo Haos Loca Abi no Xefe Unidade Kooperasaun, Sr. João Correia do Rosário.





PREZIDENTE INCT FAHE REZULTADU INVESTIGASAUN SIENTÍFIKA TINAN FISKAL 2021 BA PREZIDENTE AUTORIDADE MUNISÍPIU LAUTÉM NO PARTE RUA ASINA MEMORANDU ENTENDIMENTU

Lautém, 9 Juñu 2022 - Prezidente Institutu Nasionál Siênsia no Teknolojia (INCT), Dr. José Cornélio Guterres ho ekipa, hala'o sorumutu ho Prezidente Autoridade Munisípiu Lautém, Sr. Domingos Sávio no estrutura, ho objetivo atu distribui rezultadu investigasaun sientífica tinan fiskal 2021 no iha tempu ne'ebé hanesan asina mos Memorandu Entendimentu. Sorumutu ne'e hala'o iha instalasaun Administrasaun Munisípiu Lautém.

Iha intervensaun, Prezidente INCT afirma katak, Institutu nia misaun mak atu halo no promove peskiza iha área sosiál no esperimentál sira. Iha tinan 2021, INCT hamutuk ho Peskizador sira halo mos peskiza iha Lautém no ohin, ami mai atu entrega rezultadu ba Prezidente no estrutura ho intuitu atu hadia planu dezvoltamentu munisípiu nian. No objetivu seluk mak atu estabelese kooperasaun, liu-hosi selebrasaun akordu, hodi identifika área sira ne'ebé potenciál ba peskiza sientífica sira hanesan turizmu, agrikultura no sosiokultural.

Segundu Prezidente Autoridade Munisípiu Lautém, Sr. Domingos Savio, agradece tebes ba INCT hodi apoiu dezvoltamentu Munisípiu iha área peskiza no konsidera atividade ida ne'e pozitivu tebes. Nia konkorda, peskiza ne'e importante tebes hodi halo dezvoltamentu ne'ebé di'ak. Ikus liu, informa mos ba INCT katak, Autoridade Munisípiu mos iha Planu atu kria Sentru Turizmu hodi fasilita Turista sira ne'ebé hakarak mai vizita Lautém.

Aleinde ne'e, grupu Peskizadora, ne'ebé participa iha enkontru ne'e, Dra. Brígida no Yulianti, halo apresentasaun ba peskiza ne'ebé sei halo iha Munisípiu.

Participa iha enkontru ne'e Komandante Polisia Lautém, Rede Feto, Konsellu Veteranu, Administrador sira hosi Sub-Distritu, Funsionáriu Administrasaun Munisípiu Lautém, Peskizadora sira, Xefe Departamentu Étika INCT, Sra. Jacinta Guterres no Tékniku sira.



PARTISIPASAUN II VISE-PREZIDENTE KONSELLU EZEKUTIVU INCT IHA ENKONTRU DARUAK AJÊNSIA AUTÓNOMA BA ASUNTU SOSIÁL

Díli, 17 Maiu 2022 – II Vise Prezidente Konsellu Ezekeutivu Institutu Nasionál Siênsia no Teknolojia (INCT), Dr. Augusto Soares, hamutuk Xefe Divizaun Planeamentu INCT, Sr. Calistro Maria Correia, partisipa iha enkontru Trimestral Daruak ba Ajênsia Autonomu Asuntu Sosial sira ho objetivu hodi apresenta planu ezekeusaun ne'ebé implementa ona iha trimestre dahuluk no halo mos apresentasaun planu trimestre daruak nian ba Sua Excelênsia Vise-Primeira Ministra no Ministra Soliedariedade Sosial no Inkluziun, Sra. Armanda Berta. Enkontru ne'e prezide hosi Vise-Primeira Ministra iha salaun enkontru VPM-MSSI, kaikoli.

Iha enkontru ne'e Vise-Prezidente Konsellu Ezekeutivu INCT, Dr. Augusto Soares apresenta estrutura programatika tinan fiskal 2022 INCT nian, rezultadu ezekeusaun trimestre dahuluk no kronograma atividade trimestre daruak. Programa ne'ebé importante iha Instituisaun ida ne'e mak boa governasaun no jestaun institusional no programa edukasaun no formasaun.

Partisipa iha enkontru ne'e institusaun autonomu sira hanesan UNTL, FDCH, IPB, ANAAA, Diretor jerál sira no tékniku hosi gabinete Vise-Primeira Ministra.



DISTRIBUISAUN REZULTADU INVESTIGASAUN SIENTÍFIKA INCT TINAN FISKAL 2021 BA AUTORIDADE MUNISIPIU BAUCAU NO ASINA MOU ENTRE PARTE RUA

Baucau, 21 Juñu 2022 – Il Vise-Prezidente Konsellu Ezekutivu Institutu Nasionál Siênsia no Teknolojia (INCT), Dr. Augusto Soares ho ekipa hala’o sorumutu ho Prezidente Autoridade Munisípiu Baucau, Sr. Olivio Freitas no estrutura hodi distribui rezultadu investigasaun sientífica tinan fiskal 2021 no asina Memorandu Entendimentu entre parte rua, iha sala enkontru Administrasaun Munisípiu Baucau.



Iha fatin ne’ebé hanesan, Dra. Lindalva apresenta mos peskiza ne’ebé sei hala’o iha munispiu Baucau, inklui Bobonaro no Manufahi kona-ba prevalensia lumbriga ba karau Timor. Nune’e iha Baucau, sei foti sampel iha suku Vemase no Osoala.

Partisipa iha enkontru ne’e funsionáriu Administrasaun Munisípiu Baucau, Investigadora sira, Xefe Departamentu Étika INCT, Sra. Jacinta Guterres no tékniku sira.

Il Vise-Prezidente Ezekutivu INCT, Dr. Augusto Soares iha nia intervensaun hateten, ohin loron ami mai distribui rezultadu investigasaun sientífica mai Prezidente Autoridade Munisipiu no ekipa atu iha tinan oin bele tau iha planu hodi formula política sira iha área ekonomia no área agrikultura. Nia mos hatutan, objetivu husi asina memorandu entendimentu ne’e oinsa hodi tulun munisipiu sira liu-liu iha área peskiza.

Prezidente Autoridade Munisípiu Baucau, Sr. Olivio Freitas iha nia intervensaun hateten, haksolok ho prezensa INCT nian hodi apoiu Munisipiu Baucau iha área peskiza, aleinde ne’e nia mos sujere ba INCT hodi halo peskiza iha área priodade sira hanesan turizmu no agrikultura.





DISTRIBUISAUN RESULTADU INVESTIGASAUN SIENTÍFIKA INCT TINAN FISKAL 2021 BA AUTORIDADE RAEOA NO ASINATURA MOU ENTRE PARTE RUA

Oecusse, 21 Juñu 2022 – Prezidente Konsellu Ezekutivu Institutu Nasionál Siênsia no Teknolojia (INCT), Dr. José Cornélio Guterres hamutuk ho I Vise-Prezidente Konsellu Ezekutivu INCT, Dr. Valentim Ximenes no Xefe Departamentu Siênsia Ezata no Siênsia Naturais INCT, Dr. Gregorio Rangel, hala'o sorumutu ho Prezidente Autoridade RAEOA, Dr. Arsénio Piaxão Bano ho nia estrutura hodi distribui rezultadu investigasaun sientífica tinan fiskal 2021 no asina Memorandu Entendimentu entre parte rua, iha salaun Administrasaun RAEOA.

Presidente Konsellu Ezekutivu INCT, Dr. José Cornélio Guterres, iha nia intervensaun agradece ba Prezidente autoridade RAEOA hodi aseita no realiza seremónia selebrasaun asina akordu servisu entre INCT ho RAEOA hodi legaliza servisu iha futuro, liu-liu iha área peskiza sira tanba INCT iha misaun prinsipal mak halo no promove investigasaun

sientífica. Ho nune'e, iha tinan 2022, INCT iha investigadór ne'ebé sei mai hala'o peskiza iha Oecusse inklui mos zona fronteira seluk mak hanesan munisipiu Bobonaro, Covalima no Atauro.

Prezidente Autoridade RAEOA, Dr. Arsénio Paixão Bano, informa, kooperasaun ne'e importante tanba ne'e sei loke dalan ba servisu hamutuk entre RAEOA no INCT, loke dalan hodi halo investigasaun sientífica ba área sira ne'ebé mak RAEOA nesesita. Prezidente ne'e mos sujere atu halo peskiza kona-ba edukasaun tanba tinan ida ne'e iha planu atu hari sentru formasaun hodi fó apoiu ba profesor sira.

Partisipa iha enkontru ne'e dirijnte sira hosi INCT, estrutura RAEOA, administrador sira hosi sub-distribitu, funsionáriu no tékniku sira.



INCT KONTINUA HALO MONITRORIZAUN BA INVESTIGASAUN SIENTÍFIKA IHA MUNISÍPIU MANUFAHI

Manufahi, 30 Juñu 2022 – Xefe Departamentu Siênsia Ezata no Siênsia Naturais Institutu Nasionál Siênsia no Teknolojia (INCT), Dr. Gregorio Rangel, hamutuk ho ekipa halo monitorizasaun ba peskiza sientífica kona-ba “Potensia produsaun plantas forrageiras, kompozisaun kimika no estimativa kapasidade karga (carrying capacity) animál ruminante sira iha pastajem nativa iha munisípiu manufahi hodi assegura projeitu tasi mane” ne’ebé dirije hosi Dra. Brigida Antonia Correia, iha Suku Dotik, Postu Administrativu Alas.

Objetivu husi monitorizasaun ne’e atu observa direta peskiza sientífica ne’ebe hala’o hosi peskizadora no akompaña prosesu implementasaun iha terenu hodi garante kualidade peskiza ne’e rasik.

Investigadora Dra. Brigida Antonia Correia, iha nia intervensaun hateten, peskiza ne’e importante hodi hatene ai-horis saida mak animal hanesan “karau” sira bele konsome hodi fornese kualidade ne’ebé mak di’ak atu hodi aumenta

animal nia isin ne’ebé mak di’ak. Investigasaun ida ne’e mos ho intuitu atu fornese dados hodi reforsa projetu tasi mane iha futuro, tanba projetu refere presija apoiu hosi setor oin-oin inklui setor agrikultura, espesialmente produktu pekuaria, hanesan naan karau, naan fahi, naan bibi, manu tolun no susuben.

Peskiza ne’e hetan partisipasaun hosi estudante sira hosi fakuldade agrikultura, dosente no estudante IPB.





INCT HALO MONITORIZAUN BA INVESTIGASAUN SIENTÍFIKA IHA SUKU DAISUA, MUNISIPIU MANUFAHI

Manufahi, 13 Jullu 2022 – Xefe Departamentu Siênsia Ezata no Siênsia Naturais Institutu Nasionál Siênsia no Teknolojia (INCT), Sr. Gregorio Rangel, hamutuk ho ekipa halo monitorizasaun ba peskiza sientífica kona-ba “A prevalência de Lombriga da Classe Trematode Fasciola spp nos Búfalos em Timor-Leste” ne’ebe lidera hosi Dr. Acácio Cardoso Amaral, iha suku Daisua, Manufahi.

Objetivu prinsipal hosi monitorizasaun ne’e atu observa direta peskiza sientífica ne’ebe hala’o hosi peskizador no akompaña prosesu implementasaun tomak iha terenu hodi garante kualidade peskiza ne’e rasik.

Iha peskiza sientífica ne’e Dr. Acácio Cardoso Amaral hateten, objetivu hosi peskiza ne’e maka atu hatene nivel infeksaun lumbriga fasciola hepatica iha karau timur, atu nune’e bele hatene karik iha infeksaun ruma, ita bele halo tratamentu, komforme rezultadu laboratorio. Perskizador ne’e, esplika tan prosedur atu halo rekolla feaces iha karau timur mak primeiru ita habokon ita nia liman ho sabaun depois ita hatama liman ba rektum, depois foti veses gram 2 to’o 5 depois ita tau iha plastiku nebe’e ita prepara ona tau label, depois turuk ho formalin atu prezerva hodi nia labele at, depois tau iha kulbox hodi transporta ba labotorium nasional atu halo ezeminasan iha neba.

Sr. Martino Caldas hanesan karau nain hateten, durante ne’e ami sempre hasoru kazu karau mate barak liu ho moras lumbriga, kazu ne’e akontese iha tinan kotuk nomos tinan ida ne’e, wainhira karau oan moris mai halo prosesu fulan ida no rua lumbriga komesa ataka no karau oan labele susu nia fraku to’o mate det, kazu ne’e ami detekta wainhira karau mate ami kua karau nia kabun hare mesak



lumbriga det. Alende ne’e Karau nain ne’e hateten tan iha moras seluk hanesan karau nia kakorok bubu nomos karau nia kabun bubu nia impaktu ne’e seda ami mos lahatene, maibe wainhira moras ne’e ataka durasaun lakleur, hanesan ohin karau nia kakorok bubu ka kabun bubu orsida kalan karau nia is kotu ona.

Peskizadora Sra. Ana Maria Noronha mos hatutan tan, peskiza ida mos ita atu hatene impaktu lumbriga iha karau nia aten, ne’e ita hare mos ba maneira fatin karau sira atu han ba ne’e, ita hare konaba siklu moris nian fasiola hepatica, normalmente kuandu karau sira nebe infektadu hosi spesies fasiola, wainhira soe sai feaces ho tolun hosi fasciola hepatica. Iha momentu hanesan karakol hanesan host hodi dezenvolve siklu moris. Karakol wainhira halao movimentu no husik hela lumbriga nia tolun iha duut iha tempo daderasan molok loromatan sae. Tan ne’e sujere karau nain sira hasai karau hafoin loromatan sae. Medidas preventivas mak hanesan halo tratamentu anti parazita lumbriga ba karau sira ne’e rutina para bele hamate lumbriga iha karau nia aten.

Peskiza ne’e hetan partisipasaun hosi estudante sira hosi fakuldade Saude Animal Universidade Nasinola Timor Lorosae (UNTL) no Karau nain.



FDCH KOLOKA MELHORES GRADUADUS ESTAJIADU PROFESIONAL NAIN RUA MAI IHA INCT

Dili, 22 Jullu 2022 – Institutu Nasionál Siênsia no Teknolojia (INCT), halao sorumutu ho ekipa tékniku hosi Fundo de Desenvolvimento do Capital Humano (FDCH) ho objetivu atu koloka mellores graduadus naun bolseirus nain rua Sr. Domingos Mau Gonçalves no Sra. Feviana Soares de Jesus Marçal hodi halao sira nia Estajájiu Profesionál iha INCT durante fulan ne'en nia laran. Sorumutu ne'e prezide hosi II Vise-Prezidente Konsellu Ezekutivu INCT, Dr. Augusto Soares, iha sala enkontru INCT, Balide.



II Vise-Prezidente Konsellu Ezekutivu INCT, Dr. Augusto Soares, iha nia intervensaun hateten, INCT agradese ba FDCH bele organiza eventu ida ne'e hodi bele rekolla ita nia alin graduadus sira ne'ebe mellores graduadus sira hodi halo estajiu profesional direita iha institusaun sira. Programa Estajiu Profesionál ne'e diak tebes ba ita nia jovens sira tanba bele aumenta sira nia abilidade konesimentu pratíka iha fatin estajiu ba. INCT agradese tebes ba kolega estajiadu nain rua hosi FDCH ne'ebe mak haruka mai, maibe hosi parte INCT hato'o pedido ba FDCH husu estajiadu hamutuk nain ha'at hodi mai estajiu iha INCT, maibe mai nain rua talvez sei mai tan, nebe'e ami hein katak koperasaun nebe'e husi INCT ho FDCH laos foin hahu hosi programa estajiu profesional

ne'e, maibe antes ne'e iha ona koperasaun iha parte seluk hanesan peskiza. Ami agradese tebes ba FDCH tanba bele simu ona ami nia pedido ba mellores estudante sira nebe'e atu mai estajiu iha institusaun ne'e.

II Vise Presidente ne'e hato'o mos Bemvindo ba estajiadu nain rua katak ita sei sai ekipa ida hanesan superteam ho imi nia prezensa bele completa ami no espera imi bele aprende buat ruma durante fulan ne'en estajiu iha INCT nune'e bele ganha imi nia esperensia relevante iha imi nia area.



Xefe Departamentu Relasaun Públiku Sr. Joanico Guterres hateten, ami agradese tebes ba INCT ne'ebe iha disponibilidade bele simu kolega estajiadu sira hodi estajiu iha institusaun ne'e. Hanesan II Vise Presidente INCT hateten ona, tuir los estajiada nain ha'at maka estajiu iha INCT tuir pedido ne'ebe-



ami simu, ofisial rekursu umanus nain ida, ofisial administrasaun nain rua no ofisial lojistik ida, maibe numeru sira ne'e ami la konsege atinji tanba maioria mellores graduadus sira hetan ona servisu maski naran ita publika maibe sira ba deklarasaun servisu ona no balun saude ladun diak. Tuir los ami atu hodi estajiada nain tolu mak mai uluk iha etapa dahuluk, maibe ida ne'e lakonsege tanba hosi nain tolu ne'e ida moras, nune'e ami hodi uluk nain rua mak mai no seluk tan ami lista hela depois ami sei substitui fali iha etapa daruak.

Sr. Joanico Guterres esplika tan estajiadu sira ne'e sei la taka dalan ba sira kuandu INCT loke vaga ruma sira bele aplika maski sira foin estajiu fulan ida ka rua tanba ita nia objetivu lolos ba estajiu professional mellores graduadus sira, atu lori sira ba iha merkadu de trabalho iha ita nia rai laran tantu institusaun governu no institusaun privadu ho ida nee lataka dalan ba sira atu servisu iha fatin ne'ebe deit.

Partisipa husi sorumutu ne'e Sekretaria Ezekutiva INCT Dra. Maria Elsa Diogo Correia, Chefe Devizaun

Planeamentu no Rekursu Umanu, Sr. Calistro no Asistencia Técnica ba Programa Estajiu Profesional, Sra. Desi Natalia.





II VISE-PREZIDENTE KONSELLU EZEKUTIVU INCT MODERA APRESENTASAUN ESTUDU AVALIASAUN BA PROGRAMA FDCH TINAN 2015-2020

Díli, 28 Jullu 2022 – II Vise-Prezidente Konsellu Ezekutivu Institutu Nasionál Siênsia no Teknolojia (INCT, sigla iha Português), Dr. Augusto Soares, partisipa iha semináriu ho tema “Kapasitasaun no Dezenvolvimentu Rekursus Humanus Nacionais” ne’ebé realiza hosi Fundu Dezenvolvimentu Kapitál Humanu (FDCH, sigla iha Português) ho objetivu hodi celebra loron Ensinu Superior no Loron Mundiál Siênsia ba dala XXI no apresenta rezultadu estudu avaliasaun ba programa FDCH nian, hosi tinan 2015-2020.

Iha serimónia ne’e, II Vise-Prezidente hetan mos kna’arhanesan Moderador basesaun apresentasaun ba rezultadu estudu avaliasaun ba programa FDCH tinan 2015-2020. Iha nia intervensaun hatete, estudu avaliasaun ne’e realiza hosi INCT hamutuk ho investigadór rua, Dr. Afonso Almeida no Dr.

Carlos de Deus no enumerador haat nulu (40), atu hodi hatene kona-ba progresu FDCH, dezafiu ne’ebé hasoru, liu-liu dezenvolvimentu rekursu umanu iha Timor-Leste.



Serimónia ne’ebé hala’o iha Delta Nova ne’e hetan partisipasaun hosi Sua Excelênsia Ministru Ensinu Superior Siênsia no Kultura, Dr. Longuinhos dos Santos, Reitor sira hosi Universidade, Diretor Jerál, Pontu fokál, coordenadór, Xefe Departamentu no tékniku sira.



II VISE-PREZIDENTE KONSELLU EZEKUTIVU INCT MODERA APREZENTASAUN ESTUDU AVALIASAUN BA PROGRAMA FDCH TINAN 2015-2020

Díli, 9 Agostu 2022 – II Vise-Prezidente Konsellu Ezekektivu Institutu Nasionál Siênsia no Teknolojia (INCT), Dr. Augusto Soares partisipa iha reuniaun Konsellu Administrasaun Fundu Dezenvolvimentu Kapitál Humanu (KA-FDCH) ba dala 22º, iha salaun JL Villa, Fatuhada-Comoro.

Objetivu hosi sorumutu ne'e atu apresenta ba tetu orsamentu ne'ebé Ministériu Finansas (MF) atribui mai FDCH no apresenta mos programa ba tinan fiskal 2023 ba Membru Konsellu Administrasun ne'ebé konstitui hosi Prezidente Ministru Ensinu Superior Siênsia no Kultura (MESSK), Dr. Longuinhas dos Santos, no membru sira, Ministru Petroleu no Minerais (MPM), Dr. Vitor da Conceição Soares, Ministru Justisa (MJ), Dr. Tiago Marçal Sarmento no Sekretariu Estadu Formasaun Profisional no Empregu (SEFOPE), Sr. Alarico do Rosário hodi halo

apresiasaun no aprovasaun

Partisipa iha enkontru ne'e Membru Konsellu Administrasaun rasik, Diretor Ezekektivu FDCH, Dr. Cristovão dos Reis no estrutura no tékniku sira hosi liña ministeriál sira.





ESTRUTURA MÁSIMU INCT SIMU AUDIÊNSIA HOSI EKIPIA GABINETE PRIMEIRO MINISTRO (GPM)

Díli, 3 Agosto 2022 – Estrutura INCT simu audiênsia hosi ekipa Gabinete Primeiro Ministro (GPM), Sr. José Barros Leong, Sr. Kerytilo Pinto no Sra. Geovania Guterres Ornai ho objetivu atu diskute konaba servisu hamutuk entre Gabinete Primeiro Ministro no INCT iha area peskiza ligadu ho programa Cadeia de Valor, iha sala enkontru INCT, Balide.



Koordenador Unidade Akompañamentu Cadeia de Valor (UACV) Sr. José Barros Leong iha nia intervensaun hateten ami nia prejensa iha ne'e atu partilla informasaun konaba ba ligasaun servisu papel INCT nian iha area peskiza, nune'e GPM iha programa ida ho naran programa Cadeia de Valor ho nia intensaun atu enkoraza produsaun rai laran no redus importasaun hosi rai liur. Entaun hosi programa cadeia de valor ne'e ita atu hare tok saida mak ita bele fo apoiu ba produsaun aihan iha rai laran, nune'e ami hakarak halo liña koordinasaun ho ministeriu sira ne'ebe relevante hanesan Ministeriu Agrikultura no Peskas (MAP) toma konta ba produsaun aihan iha rai laran no inklui mos Ministeriu Turismu, Komersiu e Industria (MTCI) liliu hare ba parte industria nian. Entaun hosi buat hirak ne'e ami persija apoiu hosi INCT liu-liu informasaun ka dadus ruma liga ho peskiza nebe'e parseiru sira-

halo ona hanesan area produsaun alimentar, kuda hare ga modo ou produsaun hanesan manutolun no seluk tan.



Sr. Kerytilo Pinto responsavel ba area peskiza GPM hatutan tan objetivu ami nain tolu mai iha ne'e atu halao diskusaun regular ida ho INCT karik bele tau hanesan Mou ida entre INCT ho GPM para atu hare komponente peskiza ida ne'e bele kontribui iha nivel dezvoltimentu seitor privadu, dezvoltimentu sistema merkadu iha timor ne'e lao to'o iha faze ida ne'ebe. Entaun saida mak ami hanoin agora oinsa mak INCT ho GPM bele hanoin tok planu integradu ida kada tinan- tinan aloka orsamentu, oinsa mak ida ne'e ba tinan oin konsiderasaun ba dezvoltimentu programa Cadeira de Valor no dezvoltimentu sistema merkadu ida ne'e ita bele integra topiku ka materia sira ne'e bele hola parte integradu iha ita nia kolaborasaun ne'ebe maka bele kontribui ba iha reforma jestaun finansas publiku ga reforma iha ekonomia diversiu iha Timor-Leste ninian.

Presidente Konsellu Ezekutivu INCT, Dr. José Cornélio Guterres iha nia intervensaun hateten INCT ne'e hanesan institusaun publiku ida ho nia misaun prinsipal atu promove siênsia teknolojia no inovasaun iha Timor-Leste, liu hosi peskiza puru no aplikada. INCT halo ona peskiza hahu hosi 2018 nee produs peskiza rua, depois iha 2019 ita produs tan peskiza hitu, tinan 2020 ita lakonsege produs peskiza tanba laiha orsamentu, maibe iha 2021 ita continua fali produs peskiza sanulu resin neen no tinan 2022 peskiza lao hela hamutuk sanulu resin

rua peskiza. Peskiza sira nee bazeia area tematika hanesan a) Inovasaun, Teknolojia no Infrastrutura, b) Edukasaun, Formasaun no Inkluziun Sosial, c) Ekonomia, Agrikultura, Turismo no Industria, d) Saude no Bem-Estar, no e) Meu Ambiente, Biodiversidade no Alterasaens Klimatikas.



Presidente INCT hatutan konaba dadus sira ne'e ami iha hosi peskiza sira ne'ebe halo ona, maibe wainhira ita fornese dadus tenki bazeia mos ba objetivu espesifikus no ita bele review dadus sira ne'ebe iha ona ou bele mos ita halo peskiza foun karik peskiza anterior seidauk bele kobre ida ne'e mak hau hanoin ita bele servisu hamutuk liu hosi asina momerandu ida.

Iha enkontru ne'e partisipa mos hosi II Vise Presidente INCT, Dr. Augustu Soares, Sekretaria Ezekutiva INCT, Dra. Maria Elsa Diogo Correia no Oficial Peskiza GPM, Sra. Geovania Guterres Ornai.



EKIPA INCT HALO MONITORIZASAUN DIREITA, PROSESU DIAGNOSTÍKA BA FECES HOSI KARAU TIMUR IHA LABORATÓRIU NACIONAL DA VETERINARY (LNV)



Díli, 11 Agostu 2022 – II Vice-Presidente Konsellu Ezekutivu Institutu Nasionál Siênsia no Teknolojia (INCT, sigla iha Português), Dr. Augusto Soares, hamutuk ho ekipa halo monitorizasaun ba peskiza sientífica kona-ba “A prevalência de Lombriga da Classe Trematode Fasciola spp nos Búfalos em Timor-Leste” ne’ebe lideradu husi Dr. Acácio Cardoso Amaral, iha Laboratório Nacional da Veterinary (LNV), Dili.



II Vice Presidente Konsellu Ezekutivu INCT, Dr. Augusto Soares iha nia intervensaun hatete, antes ne’e ekipa hosi INCT halo ona monitorizasaun ba peskizadores sira hodi rekolla amostra feces hosi karau timur iha Munisípiu Baucau, Bobonaro no Manufahi. Nune’e, Partisipaun INCT nian iha Laboratório Nacional da Veterinary (LNV) atu observa direita teste ka diagnostika ba amostra feces nebe’e rekolladu ona hosi peskizador sira.

Dr. Acácio Cardoso Amaral hateten, amostra feces hosi karau timur ita rekolla hotu ona, agora ita tama iha faze ida ikus, maka ita atu teste ka diagnóstiku amostra feces refere iha laboratório ho nune’e ita bele komprova infeksaun lumbriga fasciola hepatica iha karau timur ka lae.



Peskizadór ne’e hatutan tan katak, prosesu atu halo diagnóstiku ba feces hosi karau timur iha laboratório primeiru ita tenki prepara amostra feces ne’ebe rekolladu ona iha plastik bag hodi halo diagnosa laboratoriu ho metodu sendimentasaun, depois tetu feces grama rua liu hosi balansu tau fali iha kontainer ka pot seluk, depois aumenta tan be 10 ml ba pot ka kontainer referida no supa sai be no aumenta Naoh turuk 3, hafoin aumenta tan be 10 ml no hein durante minutu 10, depois supa sai be no aumenta ho methylene blue turuk 2, hafoin amostra sei foti turuk 1-2 tau iha lamina de vidru no taka ho cover glass, hafoin ne’e hahu halo diagnostiku iha mikroskopia ho objetivu 10 X hodi identifika fasciola hepatica ninia prezensa ka lae.

Peskiza ne’e hetan partisipasaun maximu hosi Xefe Departamentu Siênsia Exata no Siênsia Naturais, Sr. Gregório Rangel, Xefe Departamentu Etika, Sra. Jacinta dos Santos, Xefe Divizaun Administrasaun, Sr. Benjamin Cabeças no Estudantes Departamentu Saude Animal (UNTL).

SORUMUTU ENTRE ESTRUTURA INCT NO XEFE GABINETE PRIMEIRU-MINISTRU HODI DISKUTE LIÑA PESKIZA SIRA HODI SUSTENTA POLÍTICA KADEIA VALÓR

Díli, 22 Agostu 2022 – Estrutura Institutu Nasionál Siênsia no Teknolojia (INCT, sigla iha Português) hala’o sorumutu ho Xefe Gabinete Primeiru-Ministru (XGPM), Dr. Azevedo Lourenço da Costa Marçal ho ekipa iha sala enkontru Gabinete Primeiru Ministru, Palásiu Governu.

Iha intervensaun, Xefe Gabinete ne’e hatete, objetivu prinsipál enkontru ne’e atu diskute Projetu Investigasaun Siêntifika kona-ba Kadeia Valór atu nune’e hodi investe iha área estratéjiku dezvoltamentu país nian no halo mos identifikasaun ba área prioritáriu sira ne’ebé bele sustenta ekonómia país hodi hamenus esportasaun.

Iha biban ne’ebé hanesan, Prezidente Konsellu Ezekutivu INCT, Dr. José Cornélio Guterres, agradece ba inisiativa hosi Xefe Gabinete Primeiru-Ministru no ekipa hodi diskute área prioridade sira ba peskiza sientífika ligadu ho Kadeia Valór. Nia mos hatutan, Governu hari INCT ho intensaun atu fó apoiu estadu liu-hosi peskiza sientífika sira. Nia mos apela katak, ita halo dezvoltamentu tenke la’o ho estudu. No nia konsidera peskiza ne’e importante ba dezvoltamentu país.

Segundu I Vise-Prezidente Konsellu Ezekutivu INCT, Dr. Valentim Ximenes, informa, INCT nia papel mak atu tau matan ba investigasaun sientífika, tantu aplikada no bázika. Ho nune’e, apresenta tématika ba investigasaun rua (2) hanesan “Dezenvolvimentu Setor Agrikultura no Sustentabilidade Ekosistema Hodi Fomenta Valor Kadeia Alimentar” no “Dezenvolvimentu Ekónomiku Sustentavel, Diversifikadu no Inkluzivu” ne’ebé kompostu hosi liña peskiza sanulu (10) no projetu estudu lima (5) hodi sustenta política kadeia alimentar.



II Vise-Prezidente Konsellu Ezekutivu INCT, Dr. Augusto da Conceição L. Soares, iha nia intervensaun felisita Oitavu Governu Konstituisionásl ne’ebé esforça hodi aselera dezvoltamentu setor ekonomia. Iha nia observasaun hatete, Governu tenke koopera didiak ho INCT nu’udar parseiru ba projetu peskiza sira atu nune’e Institutu bele fornese dadus, política, rekomendasaun sira relativamente ho política Kadeia Valór no política ba kada liña Ministeriál sira.

Atu termina, Prezidente Ezekutivu informa, sei elabora proposta peskiza no identifica área prioridade sira hodi mai apresenta iha enkontru tuir mai.



INCT REALIZA SEMINÁRIU PRELIMINÁR PESKIZA SIENTÍFIKA 2022

Dili, 20 Setembro 2022, Institutu Nasionál Siênsia no Teknolojia (INCT, sigla iha Português) realiza Semináriu Preliminár Peskiza Sientífica 2022, ho nia tema: “Promove Koñesimentu Sientífiku no Teknolójiku iha Timor-Leste”, iha salaun IAN MARTIN, Balide, Díli.

Objetivu husi semináriu preliminar ne’e atu peskizadores sira apresenta sira nia rezultadu peskiza ne’ebe ezekeuta ona hahu husi inisiu to’o elaborasaun rezultadu Preliminár nune’e peskizadores sira bele hetan sujestaun no rekomendasaun husi avaliadores no partisipantes sira hodi mellora diak liu tan rezultadu peskiza refere.

Presidente Konsellu Ezekutivu INCT, Dr. José Cornélio Guterres iha nia intervensaun hateten iha sorumutu ida ohin ita halao apresentasaun preliminar ba projetu peskiza sanulu resin rua (12) husi peskizador sira iha area Saude Animal, Agrikultura, Governu Elektróniku (E:Government), Estudu Imigrasaun, Edukasaun no Komersiu Eletroniku. Iha apresentasaun preliminar ne’e atu harefilafali konsistensia proposta, rezultadu peskiza provizoria no analiza sira nomos atu hetan ideas hodi hariku liu tan relatoriu hodi apresenta iha Dia Mundial da Siensia, Publikasaun Jornal Nasionál no Internasional no despositu iha repositoriu nasional. Presidente Konsellu Ezekutivu ne’e informa tan, INCT halo koperasaun ho universidade sanulu resin ualu (18) no institutu akademiku iha Timor laran tomak atu halao peskiza, iha tinan 2022, INCT lansa 5 area tematicas, 12 liña peskizas no 24 estudus maibe sanulu resin rua (12) mak priense rekeztus peskiza. Benifisiu husi peskiza ne’e nudar referencia ba dezvoltamentu akadémiku iha Timor-Leste,



nune’e bele hamosu siensia foun nomos bele sai referencia ba formulasaun polítika publika ba dezvoltamentu nasional.

Peskizador Dr. Acácio Cardoso Amaral iha nia intervensaun hateten, projetu peskiza sanulu resin rua (12) nebe’e mak INCT aprova inklui mos tópiku ami nian konaba “A prevalência de Lombriga da Classe Trematode Fasciola spp nos Búfalos em Timor-Leste”. Peskiza ne’e ami kobre munisipiu tolu (3) husi parte rejiaun ueste representa husi munisipiu bobonaro, rejiaun sentral representa husi munisipiu Manufahi no rejiaun leste representa husi munisipiu Baucau. Kada munisipiu ami vizita suku rua (2) no total hamutuk suku nen (6), suku sira ne’e ami rekolla amostra atus hat walunulu resin nen (486), kada suku ami rekolla ualu nulu resin ida (81) feaces ou karau ten. Rezultadu husi feaces sira ami rekolla husi karau timur hamutuk pursentu sanulu resin hitu (17) mak lumbriga iha karau laran, ne’e signifika ita iha karau atus ida (100) karau sanulu resin hitu (17) maka iha lumbriga ne’e bele hadaet mos ba ema wainhira ita konsumu karau nia aten no toelha. Lumbriga bele hela iha modo sira hanesan kanku, agriaun nebe’e mak moris iha mota no natar sira ne’e, tanba lombriga nia tolun kuandu tama ba karakol depois nia dolar sai ba dut ga modo sira ne’e

ita ema ka karau mak han ou hemu be sira ne'ebe kontamina ho lumbriga ita bele hetan daet husi lombringa.

Peskizador ne'e hatutan tan katak peskiza sira hanesan ne'e tenki kontinua nafatin obra diak ida ne'e ho topikua ida nebe diak liu tan kualidade liu tan no hau espera katak rezultadu peskiza sira ne'e ita nia politika nain sira bele utliza ba planu no programa governu nian.

Iha enseramentu, I Vise Presidente Konsellu Ezekutivu, Dr. Valentim Ximenes hateten, INCT hakarak ho orgulu hakarak agradece ba parseiru peskizador sira nune'e mos avaliadores sira ne'ebe mai ho pensamentu finu hodi bele ajuda no fo hanoin diak ba ita nia peskizador sira hodi bele hadia sira nia rezultadu preliminar ho diak. Loron 3 tomak ita hamutuk iha fatin ida ne'e, kada ekipa peskiza apresenta sira nia rezultadu preliminar, ita hotu hatene ami INCT akompaña katak iha rezultadu ida ne'e seidauk kompletu katak, barak mos apresenta seidauk tuir formatu ne'ebe INCT fo, portantu husi ami nia parte ami sei hari ekipa ida, hodi ajuda no akompaña peskizador sira hodi aruma imi nia rezultadu peskiza tuir strutura no format ne'ebe iha. Rekomendasaun ne'ebe mai husi ita nia avaliador sira simu ba hodi hadia atu rikeza no kompleta itabot sira nia traballu sientífiku. Ita hotu tenki konsiente katak rezultadu sientífiku ne'e la monu deit iha INCT, tanba projetu peskiza ne'ebé ita oferece orsamentu mai husi governu, entaun rezultadu ne'ebé iha sei rekomenda parsialmente ba institusaun hotu, entidades relevantes sira nune'e mos munisipiu sira. Rezultadu peskiza mos sei sai hanesan referencia formulaun politika publikas ba orgaun soberania sira hanesan Parlamento Nacional, Governo liu-liu ba ministriu relevante sira, nune'e mos sei to'o iha nivel munisipiu sira.

Peskizador/a sira ne'ebe apresenta iha semináriu preliminar mak hanesan: Dr.Ir. Brigida Antónia Correia, M.Agr.,IPM, Doutor Acácio Cardoso Amaral, Doutor Hélio Brites da Silva, Doutor João

Muni, Doutor Vicente Soares Faria, Doutora Carla Alexandre de J. da Costa, Dr. Lúcio Ximenes SE,MM, Dra Ir. Yuliaty M. Agr,M.Phi,I PM, Doutor Augusto da Costa, SS,M.Theo.,M.A.M.Pd, Doutor Edmundo Viegas no Dr. Nilton Diamantino Paiva Mau.

Avaliador/a sira ne'ebe avalia iha semináriu preliminar ne'e mak hanesan: Doutor Benjamim de Araújo e Côrte-Real, Doutor Francisco Martins, Doutor Fernando Hanjam, Doutor Hélio Araújo da Costa Xavier Mau Quei, Doutor Claudino Ninas Nabais, Doutor Nolasco da Costa, Doutor José Nélson Salsinha, Doutor Azevedo Lourenço da C. Marçal, Doutor Cândia Miguel Monteiro, Doutor Júnior Raimundo da Cruz, Doutor Carlito de Araújo Mali Code, Doutor Afonso de Almeida, Doutora Teresinha Soares no Dr. Graciano S. Gomes.

Semináriu preliminar ne'e realiza durante loron tolu (3) no partisipa husi Peskizador sira, Diretor Sentru Peskiza, Reitores sira, Liñas Ministeriais, Avaliadór Peskiza, Key Expert no Estudante sira.





PREZIDENTE EZEKUTIVU INCT PARTISIPA IHA SERIMÓNIA LANSAMENTU FATUK DAHULUK BA EDIFISU FOUN IPB

Betanu, 26 Setembru 2022 – Prezidente Konsellu Ezekutivu Institutu Nasionál Siênsia no Teknolojia (INCT), Dr. José Cornélio Guterres, participa iha Serimónia Lansamentu Fatuk Dahuluk ba Edifísiu Foun Institutu Politékniku Betanu (IPB), iha aldeia Bee matan, suku Betanu-Manufahi.

Iha intervensaun, Sua Excelênsia Primeiru-Ministru (PM), Sr. Taur Matan Ruak informa katak, ida ne'e hanesan investimentu dahuluk ne'ebé boot iha nível edukasaun tamba VIII Governu Konstituisional nia prioridade mak rekursu umanu, portantu presiza investe iha setor edukasaun. Tuir nia, país dezvoltadu ida necesita rekursu umanu ne'ebé di'ak.

Alein ida ne'e, Primeiru-Ministru lori Governu nia naran hatu'o agradesimentu ba Institutu Politéknik Bandung ba nia ajudu sira, agradese ba kooperasaun autoridade, comunidade no sira ne'ebé afeta

diretamente ba projetu ida ne'e. Ikus liu, fó parabéns ba IPB tanba bele hetan investimentu privilejiadu ida ne'e.

Partisipa iha eventua ida ne'e mak Vise-Primeira Ministra no Ministra Solidariedade Sosial no Inkluziun, Sra. Armanda Berta, Ministru Ensinu Superior, Siênsia no Kultura (MESSK), Dr. Longuinhos dos Santos, Dirijente sira husi Instituisaun Autônoma, Administradór Munisipiu Manufahi, Komandante Jerál PNTL, Autoridade Lokál sira, Profesór IPB, Estudante no Tékniku sira.



INCT REALIZA ENKONTRU KONSELLU SIENTÍFIKU BA DAHITU

Díli, 29 Setembru 2022 – Institutu Nasionál Siênsia no Teknolojia (INCT, sigla iha Português) realiza reuniaun Konsellu Sientífiku ba Dahitu ne'ebé prezide hosi Presidente Konsellu Sientífiku, Dra. Ana Isabel de Fátima Sousa Soares, iha instalasaun INCT, Balide.

Iha enkontru ne'e deskute pontu importante hanesan Apresentasaun Planu Estratéjiku INCT, Apresentasaun Relatório Atividade Sientífica INCT, Apresentasaun 3º Trimestre Relatório Financeiru no seluk-seluk tan.



(44), no ikus mai hetan proposta peskiza sanulu resin rua (12) ne'ebe aprova hodi kontinua halo investigasaun. Atividade seluk ne'ebé ita realiza hanesan estudo viabilidade kriaun repózitori nasional INCT, workshop kona-ba siênsia, teknolojia no inovasaun (STI) liu-hosi plataforma zoom-meeting no divulgasaun rezultadu peskiza sientífica tinan fiskál 2021 ba autoridade munisipiu sira, liña ministeriál sira inklui Parlamentu Nasionál.

Tuir II Vice-Presidente Konsellu Ezekutivu INCT, Dr. Augusto da Conceição Soares, dehan, atu garante qualidade peskiza sientífica, INCT elabora guide line no estabelese ekipa hodi halo monitorizasaun ba referida peskiza. Atu termina, II Vise-Presidente ne'e dehan, rezultadu hosi peskiza sira ne'e sei distribui ba iha autoridade Munisipiu sira nomos ministeyu relevante inklui Parlamentu Nasional hodi formula política pública sira.

Partisipa iha enkontru ne'e estrutura INCT no membru konsellu sientífiku, Dr. Estandislau Saldanha, Dr. Carla A. J. da Costa no Dr. Nilton Diamantino Paiva Mau.



Iha apresentasaun, Investigadór Internasionál INCT, Dr. Filipe Couto, informa, esbosu final planu estratéjiku ne'e koalia kona-ba rekursu umanu, repozitóriu dijital, Sentru Rede Internasionál Standard Serial Number (ISSN), depóztu legál, investigasaun sientífica, publikasaun iha revista sientífica no seluk-seluk tan. Iha investigasaun sientífica ita difini área temátika sira, liña peskiza no projetu estudo sira. Nia mos hatutan tan katak, publikasaun rezultadu peskiza sientífica iha jornal nasional INCT presiza kria editoriál nasional ba siênsia iha Timor-Leste.

Iha sorin seluk, Xefe Departamentu Siênsia Sosiais no Umana, Dr. Leonel da Costa Xavier, apresenta atividade ne'ebé Institutu hala'o hanesan anunsu projetu peskiza sientífica tinan fiskál 2022, no hetan proposta submetida ho totál haat nulu resin haat

KOMISAUN G PARLAMENTU NASIONÁL HALAO AUDIÊNSIA PÚBLIKA HO INCT

Díli, 10 Outubru 2022 – Estrutura másimu Institutu Nasionál Siênsia no Teknolojia (INCT, sigla iha Português), partisipa Audiência Pública ho Komisaun G Parlamentu Nasionál, iha instalasaun Parlamentu Nasionál.

Objetivu hosi Audiência Pública ne'e hodi diskute no presta esklaresimentu konaba apresiasaun ba ezekeusaun Orsamentu Jerál Estadu (OJE) 2022 no Planu Orsamentu Jerál Estadu 2023 nian ba komisaun G, ne'ebé trata asuntu Edukasaun, Juventude, Kultura no Sidadania.



Prezidente Konsellu Ezekutivu INCT, Dr. José Cornelio Guterres, iha ninia intervensaun informa katak, iha tinan fiskál 2022, INCT hetan orsamentu ho totál Dollar Amerikanu \$ 490,824.00 ba programa rua Boa Governasaun no Jestaun Institusionál no ida seluk mak Edukasaun no Formasaun. Nune'e trimestre datoluk ida ne'e, Institutu ezekeuta ona 70,24% inklui ho ninia obligasaun 82,32%.

Iha tinan fiskál 2023, INCT hetan orsamentu Dollar Amerikanu \$ 552,177.00, iha aumentu pursentu sanulu resin ida (11%), kompara ho tinan 2022. Orsamentu ne'e sei aloka ba programa Boa Governasaun no Jestaun Institusionál, ne'ebé konstitui honinia sub-programa haat (4) ho atividade

neen (6) no programa Edukasaun no Formasaun, konstitui ho sub-programa ida (1) ho atividade tolu (3). Ho orsamentu ne'e, iha mos hanoin atu halo konstrusaun ba edifisiu INCT nian. Informa mos katak, Gabinete Primeiru-Ministru (GPM) halo kooperasaun ho INCT atu halo investigasaun hodi apoiu política Kadeia Valor, nune'e Ministériu Finansa (MF) aumenta orsamentu adisionál Dollar Amerikanu \$ 75 000.

Audiência Pública ne'ebé hala'o mos ho Universidade Nasionál Timor-Lorosa'e (UNTL) no Institutu Politékniku Betanu (IPB) ne'e prezide hosi Prezidente Komisaun G Parlamentu Nasionál, Sr. António Verdial de Sousa, akompaña hosi Vise-Prezidente Komisaun G, Sra. Josefa dos Santos, distintu Deputadu sira no Estrutura INCT, II Vise Presidente Konsellu Ezekutivu INCT, Dr. Augusto Soares, Sekretaria Ezekutiva INCT, Dra. Maria Elsa Diogo Correia no Xefe Devizaun Planeamentu, Sr. Calistro Maria Correia.





UNIVERSIDADE WIJAYA KUSUMA SURABAYA (UWKS) HALO MOMERANDUM OF AGREEMENT (MOA) HO INCT IHA ÁREA INVESTIGASAUN SIENTÍFIKA

Díli, 25 Outubro 2022 – Konsellu Ezekutivu Institutu Nasionál Siênsia no Teknolojia (INCT, sigla iha Português) simu Vise-Reitor Universidade Wijaya Kusuma Surabaya (UWKS), Indonesia, Dr. Ir. Hj. Endang Noerhartati no ekipa ne'e ho objetivu atu halo kooperasaun entre INCT ho Universidade Wijaya Kusuma Surabaya (UWKS) iha área investigasaun sientífiku. Enkontru ne'e prezide hosi Presidente Ezekutivu INCT, Dr. José Cornélio Guterres, iha instalasaun Balide.

Iha intervensaun, Presidente Konsellu Ezekutivu INCT, informa katak, Institutu nia misaun atu promove siênsia, teknolojia no inovasaun iha Timor-Leste, liu-hosi peskiza bázika no aplikada. Iha tempu ne'ebé hanesan, nia mos relata katak, INCT agora daudaun foka ba área tematika lima (5) hanesan Siênsia, Teknolojia no Inovasaun; Edukasaun, Siênsia Umana no Inklusaun Sosial; Saúde no Bem Estar; Economia, Agrikultura, Industria no Turizmu; Meiu Ambiente, Biodiversidade no Mudansa Klimátika.

Relativamente ho kooperasaun, Presidente apela, atu halo kooperasaun ne'ebé mak di'ak, ita tenke hahú ho asinatura Memorandum of understanding (MoU). Ho nune'e, parte rua ne'e deside halo kedas Momerandum of Agreement (MoA).

Marka prezensa iha reunaiun ne'e I Vise-Presidente Konsellu Ezekutivu INCT, Dr. Valentim Ximenes, II Vise-Presidente Konsellu Ezekutivu INCT, Dr. Augusto Soares, dr. Kartika Ishartadiati, Dr. Era Hari Mudji R no Dr. Antonino do Karmo.





BEM-VINDO

Sua Excelência, Ministro do
Ensino Superior, Ciência e
Cultura ao INCT

Dili, 20 de Outubro de 2022





INCT REALIZA REUNIAUN KONSELLU JERÁL DAHITU

Díli, 20 Abril 2022 – Institutu Nasionál Siênsia no Teknolojia (INCT, sigla iha Português) hala’o reuniaun Konsellu Jerál ba Dahitu ne’ebé prezide hosi Presidente Konsellu Jerál, Sua Excia. Ministru Ensinu Superior, Siênsia no Kultura (MESSK), Dr. Longuinhos dos Santos, iha instalasaun INCT, Balide.

Objetivu hosi reuniaun ne’e atu apresenta Planu Estratéjiku INCT 2022-2030 hosi Investigadór Internasionál, Dr. Filipe Couto no apresentasaun relatóriu trimester datoluk hosi II Vise-Presidente

Konsellu Ezekutivu INCT, Dr. Augusto Soares.

Iha apresentasaun, Dr. Filipe Couto hatete, tinan ida ne’e hanesan tinan atu Institutu rekolla, buka ninia identidade iha kontestu nasionál no internasionál, ho ida ne’e, Institutu dezenvolve elaborasaun Planu Estratéjiku ida ne’e. Konsidera hanesan Planu ida ne’ebé ambisiozu, detalladu no realista. Iha nia vizaun, misaun, prinsipiu no valor sira, nesidade investigasaun sientífika, vizaun estratéjika, liña estratéjika no planu operacionalizasaun estratéjika. Presidente Konsellu Jerál, Dr. Longuinhos dos-



Santos, iha nia intervensaun agradese ba estrutura INCT ne'ebe mak iha iniciativa hodi elabora ona planu estratejiku hodi defini programa prioridade sira. Nia mos sujere atu elabora tan Planu Estratéjiku ida hodi sai “sombinha” ba planu ida ne'e. Atu termina, Presidente Konsellu Jerál hamutuk ho membru sira decide aprova Plano Estratéjiku INCT ho karater alterasaun.

Iha sorin seluk, II Vise-Presidente Konsellu Ezekutivu INCT, Dr. Augusto da Conceição Soares, iha nia apresentasaun, informa katak, iha trimester ida ne'e INCT konsege ezekeuta ona orsamentu ho total pursentu 70.24%, inklui obligasaun pursentu

82.32% ba iha programa Boa Governasaun no Jestaun Instituisiónal no programa Edukasaun no Formasaun.



Partisipa iha reuniaun ne'e mak membru konsellu jerál sira, nomedamente Presidente Konsellu Ezekutivu INCT, Dr. José Cornélio Guterres, I Vise-Presidente Konsellu Ezekutivu INCT, Dr. Valentim Ximenes, Reitor Dili Institute of Technology (DIT), Dr. Alvaro Menezes Amaral Ph.D, Dr. Vicente Paulo Correia, Dr. João Fernandes no tékniku sira hosi INCT no MESSK.





EKIPA INCT PARTISIPA IHA ATIVIDADE KOLLEITA SORGHUM IHA SUKU TITILARI



Lautem, 25 Outubro 2022 – Konsellu Ezekutivu Institutu Nasionál Siênsia no Teknolojia (INCT, sigla iha Português), participa iha atividade kolleita Sorghum ho objetivu atu observa diretamente iha terenu kona-ba ninia produsaun hanesan ai-han alternativu ba ema no animál sira hanesan karau.

Produsaun hosi sorghum ne'e mai hosi projetu investigasaun ne'ebé INCT atribui ba Dra. Yuliaty Brito, ho titulu peskiza “Efeito husi Adubu organiku



feses karau ba produtividade Sorghum (Sorghum Bicolor L Moench)”, ne'ebé hahú iha fulan Maiu 2022.

Ko-investigadora, Dra. Brigida Antonia Correia, iha nia intervensaun hatete, ida ne'e hanesan programa ba dahuluk ne'ebé ita introdus iha Munisípiu Lautem. Objetivu hosi projetu ida ne'e atu hatene sientíficamente ninia prosesu produsaun, kresimentu nomós atu enkoraja maluk-



sira hotu hodi kultiva rasik. Sorghum ne'e rasik ita bele produs hanesan ai-han hodi substitui fos, bele produs sai farina, masin-midar no bani-ben. Portantu, konsidera hanesan ai-han alternativu ba ema.

ida ne'e sei naruk, liu-liu Governu tenke fasilita teknolojia ida ne'ebé avansadu. Atu termina, apela atu INCT mos tenke disemina ba comunidade sira hotu kona-ba benefisiu hosi sorgum, atu nune'e sira bele utiliza.



Presidente Konsellu Ezekutivu INCT, Dr. José Cornélio Guterres, iha nia intervensaun afirma, ligadu ho projetu estudu ne'e, prezisa servisu hamutuk ho parseiru sira, liu-liu indústriá, comunidade no Governu. Atu implementa projetu estudu ida ne'e ho industria sira, ita tenke hare volume produktu ne'e rasik. Entretantu, servisu

Partisipa iha atividade ne'e II Vise-Presidente Ezekutivu INCT, Dr. Augusto Soares, Sekretáriu Autoridade Munisípiu Lautem, Diretor Jerál Ministério Agrikultura, Diretora Jerál Ministério Ensinu Superior, Siénsia no Kultura (MESSK), Sekretáriu Rejionál Agrikultura RAEOA, Peskizadór sira, ekipa INCT no estudante hosi Faculdade Agrikultura Universidade Timor Lorosa'e (UNTL).





PRESIDENTE KONSELLU EZEKUTIVU INCT PARTISIPA IHA KONFERENSIA DIES NATALIS UNTL 2022

Hera, 15 Novembru 2022 – Prezidente Konsellu Ezekutivu Institutu Nasionál Siênsia no Teknolojia (INCT), Dr. José Cornélio Guterres, partisipa hanesan orador iha seremonia Konferensia Dies Natalis UNTL 2022 ho tema “22 Anos de Desenvolvimento de Investigação em Timor-Leste: Uma Análise Multidisciplinar Retrospectiva e Prespetiva” iha Auditorium Dr. Gabriel António de Sa, Hera.

ne’ebe hanesan hadomi siensia hahu sae, ida ne’e ita bele hatete katak 19% mais ou menus ida ne’ebe okupa iha persentajem ida ne’e iha nasoens sira hanesan Amerika no Cina, buat sira ne’e hotu liga ba dezvoltamentu sientifiku ba aspetu hotu-hotu hanesan ekonomia, agrikultura, industria, turismo no seluk tan.

Presidente ne’e afirma tan INCT hanesan institutu publiku ida ho nia misaun atu promove siensia, teknolojia no inovasaun liu husi dezvoltamentu peskiza pura no aplikada. Vizaun estratejiku ne’ebe INCT sei halao agora nomos ba futuru maka peskiza no dezvoltamentu, inventariu, formasaun, publikasaun, akreditasaun ba jornais sira no dezvoltamentu institucional.

Iha seremonia ne’e presidente konsellu ezeutivu INCT halo apresentasaun hamutuk ho Diretor CNIC, Dr. Jose Lourenco, Vise Reitor PPGP, Dr. Afonso de Almeida, Dosente DIT, Dr. Estanislau de Sousa Saldanha.



Seremonia ne’e Presidente Konsellu Ezekutivu INCT, Dr. José Cornélio Guterres iha nia apresentasaun hateten hau refere ba referensia ida husi UNESCO iha tinan 2021 bele hateten katak numeru ema sira

REUNIAUN ENTRE INCT HO COORDINATOR SOUTHEAST ASIA NEIGHBORHOOD NETWORK (SEANNET)

Díli, 21 Novembru 2022 – I Vise-Presidente Konsellu Ezekutivu Institutu Nasionál Siênsia no Teknolojia (INCT, sigla iha Português), iha tersa-feira ne'e simu Koordinadora Associate Professor Southeast, Asia Neighborhood Network (SEANNET), Dra. Rita Padawangi hosi Singapura. Enkontru ne'ebé prezide hosi I Vise-Presidente Konsellu Ezekutivu INCT ne'e ho objetivu atu diskute kona-ba peskiza ne'ebé sei realiza hamutuk ho Institutu.



especialmente ba comunidade sira ne'ebé hela besik mota. Ami hakarak hatene papel sira nian iha sidade ida ne'e. Ho nune'e, sei envolve no halo interasaun diretamente ho sira.



Iha intervensaun, I Vise-Presidente, agradece prezensa hosi Dra. Rita Padawangi ninia hodi diskute kona-ba joint research ho INCT. Konsidera topiku peskiza “The Role of Neighborhoods in the City’s Environmental Sustainability” ne'e interesante no relevante tebes ho realidade iha País ida ne'e. Nune'e, nia dehan, “privilejiu ida hodi servisu hamutuk ho SEANNET iha âmbito peskiza tanba papel INCT nian mak promove siênsia, teknolojia no inovasaun iha Timor-Leste”.

Investigadora Dra. Rita Padawangi, iha nia intervensaun informa, peskiza ida ne'e sei foka ba país sira ne'ebé iha faze desenvolvimentu hanesan Indonesia (Surabaya), Filipina (Manila), Ho Chi Minh, Thailandia (Bangkok), Chiang Mai, Mandalay inklui Timor-Leste (Dili). Portantu, ami hakarak halo peskiza ligadu ho planeamentu teritóriu,

Iha projetu investigasaun ne'e sei envolve peskizadora nain rua (2) – Dra. Hendriketa da Silva, hosi Universidade Nasionál Timor-Lorosa'e (UNTL) no Dra. Aderita T. dos Santos, hosi Dili Intitute of Technology (DIT). Estudu ne'e finansia hosi Singapore University of Social Sciences.

Partisipa iha enkontru ne'ebé realiza iha instalasaun INCT ne'e Sekretária Ezekutiva INCT, Dra. Maria Elsa D. Correia, Xefe Departamentu no tékniku sira.





SERIMÓNIA ASINATURA MEMORANDU ENTENDIMENTU ENTRE INCT NO DIT

Díli, 29 Novembru 2022 – Prezidente Konsellu Ezekutivu Institutu Nasionál Siênsia no Teknolojia (INCT, sigla iha Português), Dr. José Cornélio Guterres, akompaña hosi I Vise-Prezidente Konsellu Ezekutivu INCT, Dr. Valentim Ximenes hala’o asinatura Memorandu Entendimentu ho Dili Institute of Technology (DIT) iha área investigasaun sientífika no publikasaun.

Iha intervensaun, Reitor DIT, Dr. Álvaro Menezes Amaral, agradese ba prezensa hosi Konsellu Ezekutivu INCT no informa katak, ho asinatura memorandu ne’e bele kapasita liu tan ita nia dosente, estudante no reforsa diak liu tan ita nia servisu iha área investigasaun sientífika iha Timor-Leste.

Prezidente Konsellu Ezekutivu INCT, Dr. José Cornélio Guterres hatete, INCT nia misaun prinsipál mak atu promove siênsia, teknolojia no inovasaun iha País ida ne’e no nia prinsipál parseiru investigasaun sientífika mak dosente sira hosi

Universidade Públiku ka Privada sira. Rezultadu hodi investigasaun sira ne’e sei utiliza hanesan referênsia ba comunidade akadémika sira no rekomenda mos ba Governu hodi formula sira nia política pública sira.

Informa tan katak, Institutu halo mos kooperasaun iha nível munisipiu hanesan Same, Baucau, Lospalos, Oecusse, Maliana, Ermera e Internasionál hanesan LIPI, University Singapore of Social Science. Atu termina, apela katak, dezvoltamentu país ida nian tenke bazeia ba peskiza.



APRESENTAÇÃO DE RESULTADOS FINAIS PESQUISA CIENTÍFICA INCT IHA TINAN FISCAL 2022 HUSI PESKIZADOR SANULU RESIN RUA

Díli, 30 Novembru 2022 – Instituto Nacional de Ciências e Tecnologia (INCT) konvida pesquizador sira hodi apresenta rezultadu final peskiza sientífica INCT iha tinan fiskal 2022, husi pesquizador sanulu resin rua (12) husi varias instituisoens superiores iha Timor-Leste, nebe'e sai nudar autores ba projetu peskiza ne'ebe finansia husi INCT.

Objetivu husi atividade ne'e atu elabora relatoriu peskiza sientifika lao tuir giaun INCT nian no desenvolve relatoriu tuir metodu peskiza kualitativu, kuantitativu no mixed methods.

Presidente Konsellu Ezekutivu INCT, Dr. Jose Cornelio Guterres iha nia intervensaun hateten agradese ba koloaborasaun no prezensa husi pesquizador sira hotu iha ámbitu apresentasaun relatoriu final peskiza sientífica INCT nian. Objetivu husi apresentasaun final ne'e hanesan faze importante ida ne'ebé realiza husi INCT hodi hare no akompaña progresu aprzentasaun final kada projetu peskiza sientífica ne'ebe finansia husi INCT iha tinan fiskal 2022. Iha loron 3 nia laran sei iha apresentasaun final kada área sira hanesan siénsia ezata no siénsia naturais, siénsia umana no siénsia sociais, teknolojia no inovasaun tuir rekomendasaun hirak ne'ebé facilita husi INCT hafoin apresentasaun preliminaru.



Pesquizador/a sira ne'ebe apresenta iha atividade nee mak hanesan: Dr.Ir. Brigida Antónia Correia, M.Agr.,IPM, Doutor Acácio Cardoso Amaral, Doutor Hélio Brites da Silva, Doutor João Muni, Doutor Vicente Soares Faria, Doutora Carla Alexandre de J. da Costa, Dr. Lúcio Ximenes SE,MM, Dra Ir. Yuliaty M. Agr,M.Phi,I PM, Doutor Augusto da Costa, SS,M. Theo.,M.A.M.Pd, Doutor Edmundo Viegas, Dr. Aurelio Guterres no Dr. Nilton Diamantino Paiva Mau.



Apresentasaun final ne'e realiza durante loron tolu (3) iha sala enkontru INCT no akompaña husi Presidente Konsellu Ezekutivu INCT, Dr. Jose Cornelio Guterres, I Vise Presidente Konsellu Ezekutivu INCT, Dr. Valentim Ximenes, II Presidente Konsellu Ezekutivu INCT, Dr. Augusto Soares no Chefes Departamentus sira.



SERIMÔNIA ASINATURA MEMORANDU ENTENDIMENTU ENTRE INCT NO IOB

Díli, 29 Novembru 2022 – Presidente Konsellu Ezekutivu Institutu Nasionál Siênsia no Teknolojia (INCT, sigla iha Português), Dr. José Cornélio Guterres, akompaña hosi II Vise-Presidente Konsellu Ezekutivu INCT, Dr. Augusto Soares hala’o asinatura Memorandu Entendimentu ho Institute of Business (IOB) iha ambito seremonia 15a Graduasaun Institute of Business (IOB) Peridodu 2022 iha sala IOB plaza, Rua Fomento II, Dili.

Objetivu husi asina momerandu entedimentu ne’e hodi estabelese koperasaun iha siênsia no teknolojia liu husi dezenvolve kapasidade rekursu umanu hodi eleva prosesu akadêniku atraves iha área edukasaun no peskiza sientífika.

Programa koperasaun entre INCT no IOB foka liu ba área hanesan tuir mai ne’e: (1) Peskiza; (2) Publikasaun Siêntifika (Nasionál/Internasional); (3) Formasaun ba dosente-peskizadores sira; (4) Sertifikasaun ba jornal sientífiku; (5) Programa

estájiu; (6) Partila informasaun kona-ba prosesu instalasaun ba repositório; (7) Semináriu sira; (8) Mobilidade ba dosente sira; no (9) Konferênsia sira.

Partisipa iha asina momerandu entendimentu ne’e mak Sua Excelensia Ministro Ensino Superior, Siensia no Kultura, Dr. Lounginhos dos Santos, Vise Reitor Asunto Pos-Graduasaun no Peskiza, Dr. Afonso de Almeida, Depudadu Komisaun G, Sra. Isabel Ximenes no Representante CCITL.





PREZIDENTE INCT PARTISIPA IHA REUNIAUN GLOBAL RESEARCH COUNCIL ASIA PACIFIC REGIONAL

Bangkok, 21 Novembru 2022 - Prezidente Konsellu Ezekutivu Institutu Nasionál Siênsia no Telnolojia (INCT, sigla iha Português), Dr. José Cornélio Guterres, partisipa iha reuniaun Global Research Council Asia Pacific Regional tinan 2022 nian iha Thailandia.

Reuniaun Global Research Council (GRC) ne'ebé realiza durante loron tolu (3) ne'e hanesan reuniaun entre especialistas sira ho objetivu atu diskute tema sira ligadu ho interesse hosi parte hotu-hotu no kestaun prioridade rejional nian.

Prezensa hosi INCT ne'e atu fahe esperiênsia kona-ba fundus ne'ebé atribui ba dosente investigador

sira tantu ba investigador hosi Universidade Públiku ka Privada sira nomós atu halo parseria iha nível internasionál hodi reforsa projetu investigasaun sientífika iha Timor-Leste.



INCT ORGANIZA SEMINARIU SIENTÍFIKU BA SELEBRASAUN LORON MUNDIAL SIENSIA BA PAZ NO BA DEZENVOLVIMENTU

Díli, 15 Dezembru 2022 – Institutu Nasionál Siênsia no Teknolojia (INCT, sigla iha Português), realiza seminariu sientífiku ba selebrasaun loron mundial siênsia ba paz no ba desenvolvimento iha ambito apresentasaun rezultadu peskiza sientífiku INCT iha tinan fiskal 2022 ho nia tema “Promover a Ciência, Tecnologia e Inovação em Prol do Desenvolvimento Nacional de Timor-Leste”, iha salaun Katedral, Dili.

Objetivu husi seminariu ne’e atu partilla informasaun rezultadu peskiza sientífiku INCT nian husi peskizadora/nain neen (6) ba iha públiku liu husi apresentasaun iha seminariu nasional ba área sira hanesan siênsia naturais, siênsia sociais, teknolojia no inovasaun. Alende ne’e, INCT halo lansamentu mos ba livru sira hanesan; “Plano Estrategico INCT 2022-2023”, “Relatório de Recomendação Política Timor-Leste”, “Revista da Ciência e Tecnologia de Timor-Leste”, “Manual de Investigação Científica” no “Buletin INCT”.

Presidente Konsellu Ezekutivu Dr. José Cornélio Guterres nia hateten iha kontektu Timor-Leste, governu Timor-Leste konsege hari’i INCT nudar institutu publiku ho nia misaun atu promove siensia, teknolojia no inovasaun iha Timor-Leste liu husi desenvolve peskiza, publikasaun, inventariu, formasaun, avaliasaun no akreditasaun ba obras sientífiku sira. Iha implementasaun peskiza no desenvolvimento, INCT koopera ho 18 universidade sira iha Timor laran tomak hodi kondus peskiza ne’ebe foka ba area prioritaria 5 mak hanesan; 1) Inovasaun, teknolojia no infra-estrutura, 2) Edukasaun, siensia umana no inklusaun sosial,



3) Saude no Bem-estar, 4) Economia, Agrikultura, Industria no Turismo no 5) Meiu Ambiente, Biodiversidade no mudansa klimatika.



Presidente Konsellu Ezekutivu ne’e haktuir tan katak INCT hahu fomenta fundus peskiza ba dosente investigador sira iha universidade publiku no privadu iha Timor laran tomak hahu iha 2019 ho 7 projetu peskiza, iha tinan 2021 ho 16 projetu peskiza no iha tinan 2022 ho 12 projetu peskiza no iha tinan 2023 sei fornese tan. Rezultadu husi investigasaun sira ne’e atu kontribui ba desenvolvimento siensia ein partikular no desenvolvimento nasional ein jeral iha Timor-Leste.

Presidente Konsellu Ezekutivu ne’e, relata tan INCT mos sei lansa primeira revista sientifika nudar knar prinsipalida husi INCT. Lansamentu revista sientifiku

ne'e nudar rekeztu ida alende de rekeztu sira seluk hanesan depozitu legal atu bele aplika ba ISSN ba UNESCO iha Paris no Revista ne'e mos fo kbi'it liu tan ba INCT atu atribui ISSN no fo akreditasaun ba revista sientifiku sira iha Timor laran tomak.



Iha fatin hanesan Sua Excelensia Ministru Ensinu Superior, Siênsia no Kultura (MESSK) Dr. Longuinhos dos Santos, iha ninia intervensaun, Ha'u hakarak fó-parabéns ba INCT, ne'ebé hili nafatin tema "Promove Siênsia, Teknolojia no Inovasaun ba Dezenvolvimentu Nasionál Timor-Leste". Importante tebes atu reflète kona-ba tema ne'e, tanba ita hakarak siênsia hanesan dalan ida hodi realiza Objetivu sira ba Dezenvolvimentu Sustentável no kontribui, hanesan ezemplu, atu hadi'ak liután seguransa alimentár no hamenus moras sira iha ita-nia rain. Ne'e signifika katak, ita presiza dezenvolve investigasaun sientífika ne'ebé iha impaktu pozitivu hodi transforma realidade ita-nia país nian. Tanba razaun ne'e maka, INCT desidi lansa editál sira, ne'ebé fó inisiativa ba investigadór nasional sira atu konkore, ho objetivu atu hetan rekursu públiku sira hodi halo peskiza ne'ebé aplika ba realidade rai-laran nian, no peskizadór sira bele iha koñesimentu kona-ba problema rai-laran no sira mós bele fó solusaun. Aspetu seluk ne'ebé ha'u hakarak salienta tan mak, ho INCT ninia inisiativa ne'e, profesór universitáriu sira bele realiza atividade peskiza nian, ne'ebé permiti sira atu kumpri pilár tolu (3) ne'ebé estabelese iha kareira dosente. Importante maka INCT la'ós mobiliza dosente sira de'it, hanesan pesoa-individuál, maibé mobiliza mós instituisaun universitária sira ka

instituisaun seluk ne'ebé iha potencia ba siênsia. Ida-ne'e halo instituisaun sira iha interese boot hodi dezenvolve investigasaun, no ne'e kontribui tebes ba INCT atu sai hanesan institucionalizasaun ba investigasaun. Bainhira realiza ona investigasaun sira-ne'e, INCT asumi kompromisu hodi estimula no promove koñesimentu sientífiku no teknolojia ne'ebé avansadu iha Timor-Leste, tuir domínio no área koñesimentu sira ne'ebé importante no prioritáriu. Ita hotu iha esperansa katak, rezultadu hosi investigasaun sira-ne'e bele kontribui atu promove di'ak liutan ita- nia populasan ninia beinstár (moris-di'ak).

Peskizador sira ne'ebe halao sira nia apresentasaun peskiza maka hanesan; (1) Dr. Acacio Cardoso Amaral ho nia titulo peskiza "A prevalencia da lombriga de classe trematode fasciola spp nos bufalos em Timor-Leste", (2) Dra. Yuliaty ho nia titulo peskiza "O efeito do adubo organico bovino e a distancia de cultivo para a produtividade do sorgo", (3) Dra. Aderita T. dos Santos ho titulo peskiza "Estudo sobre inundacoes em Dili, (4) Dr. Edmundo Viegas ho nia titulo peskiza "Status of digital education infusion in higher educations: A case study of Timor-Leste", (5) Dr. Aurelio Guterres ho nia titulo peskiza "Imigrações Ilegais nas Fronteiras Terrestres em Timor-Leste: Problemas Principais e Propostas de Soluções" no Dr. Hélio Brites ho nia titulo peskiza "Diversifikasaun produktu kafé lokál hodi hasa'e valór venda iha indústria". Moderador iha apresentasaun peskiza nee maka Dr. Samuel Venânciode Sousa Freitas no Dr. Apolinário Magno.

Partisipa iha semenirariu ne'e, Peskizador sira, Magnífiku Reitor sira, Liñas Ministeriais, Institusaun Autonomu, Konsellu Jeral, NGO, Dosente sira no Avaliadór Peskiza sira.





Estrutura Institutu Nasionál Siênsia no
Teknolojia (INCT) Hamutuk ho Funsionarius no
Assesor/a Hato'o:

PARABÉNS ba

Presidente Repúblika Demokrátika
Timor-Leste **DR. JOSÉ RAMOS HORTA**

20

Parabéns ba
loron Restauraun Independensia
Repúblika Demokrátika Timor-Leste



Estrutura Institutu Nasionál Siênsia no Teknolojia
(INCT) Hamutuk ho Funsionarius no
Assesor/a Hato'o:

PARABÉNS ba

Sua Eminência Cardeal
Dom Virgílio do Carmo
da Silva, SDB



Estrutura Instituto Nacional Ciência e Tecnologia (INCT)
Hamutuk ho Funsionarius no Assesor/a hato'o:

OMENAJEM BA LORON MASAKRE

SANTA CRUZ

12 NOVEMBRU 1991 - 12 NOVEMBRU 2022

&

KSOLOK LORON NASIONAL

JUVENTUDE



"Science and technology can solve all the world's problems, and historically it has been shown to make the world better and better."

Zoltan Istvan



INCT

INSTITUTO NACIONAL DE CIÊNCIAS E TECNOLOGIA